



新刊監本冊府元龜卷之一百六十一

六季帝王部一百六十一

命使

周官小行人之職達六節辨五物以周知天下之故其往也賦  
皇華以遣之其還也歌四牡以勞之蓋所以重宣命之寄慰于  
役之勤斯古道也得非王者居九重之深御四海之廣慮下情  
之未達懼一物之失所繇是慎擇其人俾專厥任若乃察謠俗  
采方言賑卹孤窮興舉孝弟辨庶工之淑慝平群盜之假擾至  
有乾文謫見天災流行或推賜租之恩或舉申寃之典斯皆因  
時立制以裨政治者也

周平王四十九年使凡百聘魯

桓王六年使南季聘魯

十二年使宰渠伯糾聘魯

宰官渠氏伯糾名也王官之宰當以才授而伯糾攝父之職出聘列國故

書名

十三年使仍叔之子來聘魯國

漢武帝元狩元年詔曰朕嘉孝悌力田哀夫老眊孤寡鰥獨或

匱於衣食甚憐愍焉其遺謁者巡幸天下存問致賜曰皇帝使

謁者賜縣三老孝者帛人五匹鄉老弟者力田帛人三匹年九

十以上及鰥寡孤獨帛人匹絮三斤八十以上米人三石有寃

失職使者以聞縣鄉即賜母贅聚

贅會也令勿擅徵召會聚

六年六月詔曰日者有司以幣輕多姦

幣錢也輕者若一馬直一十萬幣輕而物重也

農傷而物眾又禁并兼之徒故改幣以約之

更去半兩錢行五銖錢及幣以檢約

姦邪稽諸往古制宜于今廢期有月而山澤之民未諭夫仁行而

從善義立則俗易意奉憲者所以導之未明與將百姓所安殊

路而橋處吏因乘執以侵蒸庶邦

橋與嬌同其字從手矯託也處固也妄託上命而堅固為

邪惡者也何紛然其擾也今遣博士大等六人分循行天下存問鰥

寡廢疾無以自振業者代與之諭三老孝悌以為民師舉獨行

之君子徵詣行在所朕嘉賢者樂知其人廣宣厥道士有特詔

使者之任也

士有殊才異行當特詔者任者使者分別之

詳問隱處亡位及寃失職

姦猾為害野荒治苛者舉奏郡國有所以為便者上丞相御史

以聞

元鼎二年九月詔曰仁不異遠義不辭難今京師雖未為豐年

山林池澤之饒與民共之今水潦移於江南迫隆冬至朕懼其

飢寒不活江南之地火耕水耨方下巴蜀之粟致之江陵遣博  
士中中博士名也等分循行諭告所抵無令重困吏民振救飢民免  
其它者具舉以聞

天漢二年秋泰山瑯琊群盜徐勃等阻山攻城阻山者依山之險以自固也

道路不通遣直指使者暴勝之等衣繡衣杖斧分部逐捕刺史  
郡守以下皆伏誅

詔帝始元年九月遣故廷尉王平等五人前為此官今不居持者皆謂之故也

節行郡國舉賢良問民所疾苦寃失職者

宣德本始元年正月遣使者持節詔郡國二千石謹牧養民而  
風德化

元康四年正月遣大中大夫彊等十二人循行天下存問鰥寡

覽觀風俗察吏治得失舉茂材異倫之士

五鳳四年四月辛丑晦日有蝕之詔曰皇天見異以戒朕之不  
逮吏之不稱也以前使使者問民所疾苦復遣丞相御史掾二  
十四人循行天下舉寃獄察善為苛禁深克不改者

元帝元初元年四月詔曰朕承先帝之聖緒獲舉宗廟戰戰兢兢  
兢者地數動而未靜懼於天地之戒不知所繇繇與由同方田作時

朕憂蒸庶之失業臨遣光祿大夫褒等十二人二日臨面約循

行天下存問耆老鰥寡孤獨困乏失職之民延登賢俊招顯側  
陋因覽風俗之化相守二千石誠能正躬勞力宣明教化以親  
萬姓則六合之內和親庶幾無憂矣書不云乎股肱良哉庶事  
康哉布告天下使明知朕意

建昭四年夏四月詔曰朕承先帝之休烈夙夜慄慄懼不克任  
間者陰陽不調五行失序百姓饑饉惟蒸庶之失業臨遣諫議  
博士賞等二十一人循行天下存問耆老鰥寡孤獨之困失職  
之人舉茂材持立之士相將九卿其帥意毋怠使朕復觀教化  
之流焉元元元年九月詔曰迺者郡國被水災流殺人民多至千  
數京師無故訛言大水至吏民驚恐奔走乘城殆苛暴染刻之  
吏未息元元元年九月詔曰迺者郡國被水災流殺人民多至千  
河平四年三月遣光祿大夫博士嘉等十一人行舉瀕河之郡  
水所毀傷民之不能自存者

陽朔二年秋閏東大水流民欲入丞谷天井壺口五阮閔者勿  
苛留遣諫議大夫博士分行視

鴻嘉元年春二月詔曰朕承天地獲保宗廟明有所蔽德不能  
綏刑罰不中衆寃失職趨閔告訴者不絕是以陰陽錯謬寒暑  
失序日月不光百姓蒙辜朕甚憫焉書不云乎即我御史罔克

耆壽咎在朕躬此尚書文侯之命篇中辭也言我周家用事元  
能有耆老賢者使國危工罪咎在其用事者也  
又曰咎在朕躬平王自天子方春生長時臨遣諫議大夫理等自臨  
謂故引之以自責耳  
遣舉三輔三河引農寃獄公卿大夫部刺史明申敕守相稱

朕意焉

永始三年春正月己卯晦日有蝕之詔曰天災仍重朕甚懼焉  
惟民之失職臨遣太中大夫嘉等循行天下存問耆老民所疾  
苦其與部刺史舉惇撲遜讓有行義者各一人

平帝元始元年正月遣諫議大夫行三輔舉察吏民以元壽二年倉卒時橫賦歛者償其直

二年九月使謁者大司馬掾四十四人持節行邊兵遣執金吾

候陳茂假以鉦鼓將師乃有鉦鼓今茂官行兵少又但往諭曉之耳所以假鉦鼓者欲重其威也

四年遣太僕王憚等八人置副假節分行天下覽察風俗

後漢光武建武二年使太中大夫伏隆持節安輯青徐二州招

張步降之

二十九年二月遣使者舉寃獄出繫內

安帝延光三年遣侍御史分行青冀二州災害督錄盜賊

順帝漢安元年八月遣侍中杜喬光祿大夫周舉守光祿大夫

郭遵馮羨樂巴張綱周栩劉班等八人分行州郡班宣風化舉

實臧否

建康元年正月詔曰隴西漢陽張掖北地武威都自去年九月

已來地百八十震山谷圻裂壞敗城寺殺害民庶夷狄叛逆賦

役重數內外怨曠惟咎嘆息其遣光祿大夫案行宣暢恩澤惠

此下民勿為煩擾

靈帝熹平五年四月使侍御史行詔獄亭部理寃枉原輕繫休

囚徒

獻帝初平三年四月誅董卓遣使者張种撫慰山東

八月遣太尉馬日磾及太僕趙岐持節慰撫天下

魏文帝初嗣魏王遣使者循行郡國有為理培克暴虐者舉其

罪黃初六年遣使者循行許昌以東盡沛郡問民所疾苦貧者

振貸之

高貴鄉公正元元年十月遣侍中持節分適四方觀風俗勞士  
民察冤枉失職者

晉武帝泰始二年春正月遣兼侍中侯史光等持節四方循省  
風俗除穰祝之不在祀典者

四年詔刺史二千石長吏曰古之王者以歲時巡狩方岳其次  
則二伯術職不然則行人順省故雖幽遐側微心無壅隔下情  
上通上指遠諭至於鰥寡罔不得所用垂風遺烈休聲猶存朕  
在位累載如臨深谷夙興夕惕明發不寢坐而待旦思四方水  
旱灾青為之怛然勤躬約已欲令事事當宜常恐衆吏用情誠  
心未著萬機兼摠慮有不周政刑失謬而弗獲備覽萬姓有過

在予一人惟歲之不易未遑卜征巡省之事下之未又其何以  
恤之今使持節侍中副給事黃門侍郎御命四出周行天下視  
見刺史二千石長吏申諭朕心訪求得失損益諸宜觀省政教  
問人間患苦周典有之曰其萬姓之利害為一書其禮俗政事  
刑禁之逆順為一書其暴亂作慝犯令為一書其禮喪凶荒厄  
貧為一書其康樂和平安平為一書每國辨異之以返命於王  
舊章前訓今率由之還具條奏俾朕照然鑒於幽遠若親行焉  
大夫君其各悉乃心敬乃事嘉言令圖苦言至戒與使者盡  
之無所隱諱方將虛心以示其戒哉最之稱朕意焉  
是年又遣使者侯史光循行天下  
太康七年十二月遣御史巡遭水諸郡

後魏道武天興元年八月遣使循行郡國舉奏守宰不法者親  
覽察黜陟之

三年正月分命諸官循行州郡觀民風俗察覺不法

四年二月分命使者循行州郡聽察詞訟糾劾不法

天賜元年四月詔尚書郎中公孫表使於江南以觀桓玄之釁  
也值玄敗而還

明元即位詔鄭兵將軍山陽侯奚斤巡行諸州問民疾苦撫恤  
窮乏

永興三年春詔北新侯安同等持節巡行并定一州及諸山居  
離胡丁零問其疾苦察居守宰不法其寃窮失職弱強相凌孤  
寒不能自存者各以事聞

泰常二年春詔九州之民隔遠京邑時有壅滯守宰至不以聞  
今東作方興或有貧乏失農務者其遣使者巡行天下省諸司  
觀民風俗問民疾苦守宰制行諸有不能自申皆因以聞  
七年九月分遣使者巡行州郡觀察風俗

太武太平真君元年正月分遣侍臣巡行州郡觀察風俗問人  
疾苦

文武大安元年六月詔曰夫為治者因宜以設官舉賢以任事  
故上下和平民無怨謗若官非其人姦邪在位則政教陵遲至  
於彫簿思明黜陟以隆治道今遣尚書穆伏真等三十人循行  
州郡觀察風俗入其境農墾殖田畝多荒則徭役不時廢於力  
也耆老飯蔬食少壯無衣褐則聚斂煩數匱於財也閭里空虛

民多流散則綏導無方踈於恩也盜賊公行劫奪不息則威禁不設失於刑也衆謗並行大小嗟怨善人隱伏佞邪當道則為法混淆昏於政也諸如此黜而戮之善於政者褒而賞之其有阿枉不能自申聽詣使告狀使者檢治若忠信清能衆所稱美誣告以求直反其罪使者受賂斷察不平聽詣公車上訴其不孝父母不順尊長為吏姦暴及為盜賊各具以名上其容隱者以所匿之罪罪之

孝文延興二年十一月分遣使者巡省風俗問民疾苦

三年十一月詔以河南牧守多不奉法致新邦之民莫能上達遣使者觀風察獄黜陟幽明

四年十一月分遣侍臣循河南七州觀察風俗無慰初附

太和二年八月分遣使者考察守宰問名疾苦

六年八月分遣大使巡行天下遭水之處丐民租賦貧儉不自存者賜以粟帛

八年正月詔隴西公元琛尚書陸睿又為東西二道大使褒善罰惡

十四年二月詔遣侍臣循行州郡問民疾苦

十八年冬十月分遣侍臣巡民間所疾苦

二十一年正月乙亥遣兼侍中張彝崔光兼散騎常侍劉藻巡方有司問疾苦黜陟守宰宣揚風化

宣武以太和二十三年四月即位六月分遣侍臣巡行郡國問民疾苦考察守令黜陟幽明文武應永道著立園者皆加褒禮

又云宣武時遣使巡行四方以直閣將軍薛曇寶為持節兼散騎常侍龍驤將軍南道大使

景明二年正月帝始親政詔曰朕幼承寶曆艱憂在疾庶事不

親風化未洽今始覽政務義協惟新思使四方風從率善可分

遣大使黜陟幽明是年以元懷為車騎大將軍詔為使持節加

侍中行臺巡幸常燕湖二州賻給貧乏粟採風俗考論殿最事之

得失皆先史後聞

正始二年六月詔尚書李崇大府卿于忠散騎常侍游肇諫議

大夫鄧羨崇忠使持節兼侍中羨兼黃門俱為大使糾斷外州

畿內其守令之徒咎失彰露者即使施決州鎮重職聽為表聞

七月詔曰朕纂馭寶曆於今七載德澤未敷鑒燭不遠知人之

寃瘼所在猶滋而糾察之獄未暢於下賢愚靡分皂白均貫非

可以革民耳目使善惡勵心今分遣大使省方巡檢隨其愆負

與風響相符者即加糾黜以明雷霆之威以申旌軒之舉因以

觀風辨俗採訪功過褒賞真孝糾罰淫慝理窮恤弊以稱朕心

三年四月詔遣使者巡慰比邊酋庶

孝明熙平二年正月詔遣大使巡行四方問疾苦恤孤寡黜陟

幽明又詔選曹舉用必在得才廣求栖遁共康治道州鎮城隍

各令嚴固齊會聚集糾執妖誼囹圄皆令造屋桎梏務存輕小

工巧浮送不得潛藏絹布繒綵長短令失偷竊軍階亦悉沙汰

籍貫不實普使糾案聽自婦首逋違加罪

正光元年冬十月遣侍中持節分適四方觀風俗察士民察寃

枉失職者

四月詔尚書長孫雍巡撫北蕃觀察風俗

孝昌元年徐州刺史元法僧以城版入梁梁遣蕭宗來據彭城時遣大都督安豐王延明睿臨淮王或討之盤桓不進乃詔尚書三公郎兼司州別駕前將軍辛雄副太常少卿元晦為使給齊庫力持節乘駟催軍有違即令斬決蕭宗謂雄曰誨朕家諸子標以親懿定策機計仗卿取勝耳到軍取令並進徐州綜送降款

孝昌末魏蘭根為光祿大夫河北流人南渡以蘭根兼尚書使齊濟青兗四州安撫置縣郡

孝莊建義元年五月以尚書右僕射元羅為東大使征東將軍光祿勳元欣副之巡方黜陟先行後聞

後周閔帝元年正月即天王位詔曰上天有命華魏於周致予

一人受時太廟子惟古先聖王罔弗先於省視風俗以求民瘼然後克治矧予眇眇又當草昧若弗尚於達四聰明四目之訓者其有聞之哉有司宜分命方別之始所在巡撫五教何者不宣時政有何不使得無修身潔己才堪佐世之人而不為上所知冤枉受罰幽辱于下之徒而不為上所理孝義貞節不為有司所申鰥寡孤窮不為有司所恤暨黎庶衣食豐約賦役繁省災厲所興水旱之處並宜具聞若有八十以上所在就加禮餼明帝元年六月遣使分行州郡理囚徒察風俗掩骸理齒武成二年以車騎大將軍儀同三司翼隼為大使巡曆州郡察風俗理冤滯還拜少卿

武帝保定元年二月遣大使巡察天下

五年七月遣大使巡察天下

大和五年四月遣大使巡察天下

建德五年正月詔曰朕克己思治而風化未弘永言前古載懷夕惕可分遣大使周省四方察訟聽謠問民俗隱其猥犴無章侵漁黎庶隨事究驗條錄以聞若政績有施治綱克舉及行宣士華道著立園並須檢審依名騰奏其鰥寡孤獨寔可哀矜亦宜振給務使周贍

六年平齊詔曰東夏既平王道初被齊民弊政餘風未殄朕劬勞萬機念存康濟恐清淨之治未刑四海下民疾苦不能上達寢興軫慮用切於懷宜分遣使人循方撫慰觀風省俗宣揚治道有司明立條科務在弘益

宣帝即位遣大使巡察諸州

隋高祖開皇元年即位遣八使巡省風俗

三年十一月遣使巡省風俗詔曰朕君臨區宇深思治術欲使生人從化以德代刑求草萊之善旌閭里之行民間情偽咸欲備聞已詔使人所在賑恤揚鑣分路將遍四海必令為朕耳目如有文武才用未為時知宜以禮蒞遣朕將銓擢其志節高妙越等超倫亦使人就加旌異令一行一善獎勵于人遠近官司遐邇風俗巨細必記還日奏聞庶使不出戶庭坐知萬里

四年八月甲午遣十使巡行天下

六年正月遣民部尚書蘇威循行天下

十年八月遣柱國襄陽郡公韋洸上開府東萊郡公王景並持

節巡撫嶺南百越皆服  
十五年七月遣邳國公蘇威巡省江南

十七年三月遣治書侍御史柳或皇甫誕巡省河南河北

仁壽元年遣十六使巡省風俗

煬帝大業元年正月發八使巡省風俗下詔曰昔者哲王之治天下也其在愛民乎既富而教家給人足故能風淳俗厚遠至邇安治定功成率由斯道朕嗣膺寶曆撫育黎猷夙夜戰兢若臨川谷雖則聿尊先緒弗敢失墜永言政術多有缺然况以四海之遠兆民之衆未獲親臨問其疾苦每慮幽疾莫舉寃屈不申一物失所用傷和氣萬方有罪責在朕躬所以寤寐增嘆而夕惕載懷者也今既布政宜存惟始寬大可分遣使人巡省方

俗宣揚風化薦拔淹滯申達幽枉孝悌力田給以優復鰥寡孤獨不能自存者量加賑恤義夫節婦旌表門閭高年之老加其板授並依別條賜以粟帛篤疾之徒給侍丁者雖有侍養之名曾無調贍之實明加檢校使得存養若有名行顯著操履修潔及學業才能一藝可取咸宜訪採將名入朝所在州縣以禮發遣其有蠹政害民不便于時者使還之日具錄奏聞

二年遣十使併行州縣

唐高祖武德元年六月遣太僕卿宇文文明達招慰山東之地

七年遣黃臺公瑗安撫山南之地

十月詔曰隋德不哀政荒民散九州鞿裂四海瓜分元元無辜困豺狼之吻慄慄黔首羅兵革之灾朕祗膺寶曆救其危墜一

物失所情深納隍今趙魏之人俱承大化海岱之境思稟朝章  
然而尚迫寇戎受拘凶暴經途遐阻未由自達宣風布教必佇  
循良柔服招携事資明恕右翊衛大將軍上柱國淮安王神通  
地惟近屬功叅運始杖節建旄允當重寄可山東道安撫大使  
其山東諸軍事并受節度

二年閏二月詔曰隋末道消運為陽九盜賊蜂起饑饉存臻四  
海之民墜於塗炭是以上天降鑒爰命朕躬綏靜黎元克定凶  
醜府庫倉廩所在開發流冗之民隨加鎮撫言念亭育鑒深匪  
忘然年谷不登民多困乏一物失所有堪納隍宜加存問救其  
疾苦可令皇太子建成巡京城側近諸縣秦王巡京城以東右  
僕射裴寂巡京城以西詣彼閭閻見其耆老觀省風俗廉察吏  
民乏絕之徒最加賑給如有寃滯並為申理高年疾病就致束  
帛是月遣馬邑都丞李靖前鹿城縣令元無竭慰撫嶺南  
四月遣大理卿即楚之安撫山東夏侯端安撫淮左奏九部樂  
設宴而遣之

正月遣黃門侍郎楊恭安撫河西之地

三年二月詔曰朕承天命明撫育萬方康俗濟民無忘鑒寐西  
蜀僻遠控接巴夷厥土沃饒山川遐曠往者隋末喪亂盜寇交  
侵流寓之民遂相雜撓游手墮業其類實煩頌顛矯處因此而  
作王業伊始務從草創牧宰庶寮隨事遷易州縣分折權宜廢  
置然而王道未洽民瘼猶存靜言思之夙興軫念澄源正本義  
在更張可令秦州總管鄧國公軌御史大夫滑國公無逸為益

州道安撫大使宣揚朝典進擢廉平貶黜苛暴申理寃滯孝悌  
貞節表其門閭鰥寡孤惻量加贍恤事有便益並委處分

四年六月既征王世充遣統衛將軍盛彥師安撫河南之地  
九年七月遣諫議大夫魏徵宣慰河東

太宗貞觀三年五月早六月令中書舍人杜正倫崔敦禮守給  
事中尹文憲張玄素等往關內易州分道撫慰問民疾苦見禁  
囚徒量事斷決人有寃枉不能自申者隨狀理之事有不便於  
人及官人貪殘為患者並具狀還日以聞困乏之徒比雖賑贍  
仍有乏絕者亦量加支給在京見禁囚徒亦令所司量事斷決  
務從寬簡稱朕意焉

六年三月幸九成宮發存問高年鰥寡

七年七月遣大理少卿李弘節大子中允張玄素都水使者長  
孫師巡撫嶺南

八年正月詔曰昔者明王之御天下也內列公卿允釐庶績外  
建侯伯司牧黎元唯懼淳化未敷名教或替故有巡狩之典黜  
陟幽明行人之官存省方俗用能遐邇咸乂情偽無遺時雍之  
宜率由茲道朕祗曆寶命臨御帝圖稟過庭之義方荷上玄之  
嘉祉四荒八表無思不服而夙興夕惕勤躬約已日慎一日雖  
休勿休欲萬國歡心兆民有賴推誠待物近取諸身實謂群官  
受拜賢能自勵乃聞連師刺舉或乖共理之寄縣司主吏甚多  
黷貨之罪有一于此責在朕躬是用中夜無然景輟食宜遣  
大使分行四方申諭朕心延問疾苦觀風俗之得失察政刑之

苛弊者年舊齒孝悌力田義夫節婦之家疾廢惇嫠之室須有  
旌賞賑贍聽以倉庫物賜之若有鴻材異學留滯末班哲人奇  
士隱倫屠釣宜精加搜訪進以殊禮務盡使乎之旨俾朕親覲  
焉于是分遣蕭瑀李靖楊恭仁王珪竇靜李大亮劉德威皇甫  
無逸韋挺李襲譽張亮杜王倫趙弘治等巡行天下

十八年十一月庚辰遣使齎璽書詔鄭汝懷澤四州巡問高年  
宴賜各有差

二十年正月丁丑遣大理卿孫伏伽黃門侍郎褚遂良尚書左  
丞楊纂太子詹事張行成太僕少卿蕭銑光祿大夫馮怿司農  
卿達奚懷義雍州司馬李督脊給事中張戢冊御史中丞唐臨  
中書舍人崔仁師柳奭太子中允宇文節太子中舍人賀拔玄

一萬年縣令宋行質長安縣令李乾祐戶部郎中劉翁勃刑部  
侍郎劉燕客王昕尚藥奉御長孫知人太理正郭文宗李境玄  
等以六條巡察四方各以澄清為務多所貶黜舉奏其使者還  
詣聞稱寃者前後相屬因令褚遂良一其類具狀以聞帝親自  
臨決牧宰以下以能官進擢者二十人以罪死者七人其流罪  
已下及寃黜者數百千人

八月幸靈州行所經州縣並遣使存問老疾並加賑恤

九月遣霍王府長史段寶立滄州別駕張開諒同州別駕張文  
會等三道使巡察嶺南諸州

二十二年六月令陝州刺史孫伏伽於河南太子詹事張行成  
於河地渭州親見父老存撫百姓從軍之家州縣為之營農

三十三年八月以晉州地震令尚書郎中一人充使存問舍宅損壞者給復一年

高宗永徽四年十月甲辰遣使存問鰥寡惻獨不能自存者

五年六月詔工部侍郎王儼往河北檢行遭水諸州乏絕者賑貸之仍理囚徒

顯慶元年正月令宗正卿隴西郡王博文刑部尚書長孫祥大理段寶玄於畿內諸州巡撫百姓給貸乏絕

二年十月幸許州遣少府少監鄭欽泰等分往許汝州及所經縣省錄囚徒並搜訪孝義及經學之士

龍朔元年十二月戊寅詔諸州霜旱蟲滂之處分道遣使存問賑給並理囚徒

三年八月詔分遣巡察大使問人疾苦黜陟官吏

乾封二年十月遣守大司憲樂彥瑋司平少常伯皇甫公義太子左中護楊思敬兼西臺舍人李虔澤等分往長安萬年城外諸縣巡問百姓親檢校田苗賑給乏絕

總章二年四月令左蕭給兼檢校沛王府長史皇甫公義往慮岐州諸縣囚徒量事原免之

二年二月遣使存問諸州逐量百姓漸令復業仍令州縣檢校優恤之其未情願歸者聽之

十一月幸許汝等州分遣通事舍人負外郎御史存問所經州縣老疾及鰥寡惻獨仍復見禁囚徒等

儀鳳二年十二月詔黃門侍郎同中書門人三品來常為河南

道大使中書侍郎同中書門下三品薛元超為河北道大使尚書左丞崔知悌國子司業鄭祖玄為江南道大使分道分巡撫申理冤枉賑貸乏絕

新刊監本冊府元龜卷之一百六十一

新刊監本冊府元龜卷之一百六十二

帝王部 一百六十二

命使第二

唐中宗神龍二年二月遣十使巡察風俗下制曰古之御天下

者以大寶為公器以崇高為外物仰則乾行順性命之理俛思

坤載成博厚之德將以裁成至道保邦靜人用清三微臣欽若

微者天地人三正之始以齊七政能臻夫此者豈一人之力哉

實賴群方共康庶績自季葉淪替洎棄公道官匪其人教無所

習懷才脩絜者則依違以自容通方宏偉者則放蕩以求利由

是淳化日消澆風歲長典章訛弊眩俗凋殘透逸陵積莫能振

理朕以薄德丕承寶命夙夜惟寅憂勞無怠昧旦端冕心被寰

瀛日晏罷朝念周黎庶頃者勵精推擇傍求牧宰異聞善政惠  
康乃又虐已勵勤美化猶忌貪官傲吏屢黷於爰書夫職流亡  
幾淪於板籍豈刑賞之柄不協其中將仁恩之誠未孚於下永  
言國本良深軫悼古者天子巡狩省方觀俗而錫鑿備駕或以  
為煩故分命輜軒博採謠誦以彰善瘴惡激濁揚清散皇明以  
濁幽揚仁風以被物實資令德允屬通才惟懷允圖式鑒成憲  
宜於左右臺及內外五品已上官職理通明立性堅白無所詘  
撓志在澄清者二十人分為十道巡察使二周年一替以案州  
部俾其董正群吏觀撫兆人議獄緩刑扶危拯滯若能抗詞直  
筆不憚權豪仁恕為懷黜陟咸當別加獎擢優以名器如脂常  
苟全蘧蔭戚施高下在心顧望依附者將遷削屏棄肅以憲章  
咸竭迺心以副朕意遂命揚州刺史姜師度攝右御史以充此使  
景龍三年八月遣十使巡察天下

撫

睿宗唐隆元年六月庚子平韋庶人壬寅降十道使齎璽書宣

景雲元年八月制出十道使持節巡撫天下

二年二月降十道使案察

七月分遣都督刺史十道案察

十一月出十道使巡撫

太極元年二月出十道使巡撫

玄宗先天元年太上皇詔曰朕恭己無為留神玄默俯順曆數  
僉謀公卿式命元子祇膺寶位今庶政道新光華肇啟但恐天

下至廣未達朕心故臨遣使臣宣揚朝典宜以膳部郎中蕭瑗為河南道宣勞使諫議大夫楊虔受為河北道宣勞使贊善大夫薛植為淮南道宣勞使殿中丞薛麟為隴右道宣勞使宗正卿姜晞為河東道宣勞使司門郎中李誠為關內道宣勞使工部郎中高紹為劔南道宣勞使太子右諭德蕭憲為山南道宣勞使宋王府司馬裴綱為江南道宣勞使諫議大夫甯悌原為嶺南道宣勞使

二年七月壬申命益州長史畢構宣撫劔南及山南道少府監齊景胄宣撫關內及河東道太子右庶子陸餘慶宣撫河北道宗正少卿韋瑋宣撫江南及淮南道光祿少卿杜元逞宣撫隴右道廣州都督周利貞宣撫嶺南道制曰昔者明王之御天下

也內有公卿允釐庶績外有方伯司牧群黎猶惧至道未享淳風或替故有巡守之典黜幽陟明行人之官省方察俗用能遐邇咸入情偽無遺於變時雍率其道也朕祗膺嗣德恭守帝圖上稟過庭之謨下憑眾庶之力竭精思禮兩載于茲冀逮小康漸躋至化而區宇遐曠風教未同負宸常情責深在己近者姦回構釁禍起蕭牆宗社降靈應時殲殄今又承恭聖訓總統大猷率彼百官齊茲七政恐倉廩不實禮節未興吏靡息於貪殘人或滯於幽枉永言於此明發疚懷今卜征未習時靡仍遠宜分命輜軒慰撫黎庶畢構等並操履公清職見明允茂績彰於歷試嘉譽滿於周行宜膺李載光原繼所至之處申諭朕心並令屏絕浮華敦崇仁厚務脩孝悌勤事農桑耆老鰥寡征人家

口不自存者咸加恤問德舉言揚唯賢是急若有良才異行藏  
器下遼哲人奇士隱淪屠釣審知才行灼然者各以名聞凡百  
牧宰洎乎使人咸悉朕心各敬廼事動則不匱仁遠乎哉勉矣  
勗之以副朕意

開元四月己巳勅曰淮海維揚是稱谿險山川重複水陸殷湊  
去歲田收稍乖豐稔今茲人庶順致飭乏朕為之父母深用惕  
然近聞雨澤應節秔稻有望目前之困餬口猶切思從蠲省用  
救荒弊宜令給事中楊虔受往江東道安撫存問觀察疾苦詳  
理完滯百姓間有偉才異行藏鱗戢羽隱淪屠博栖遲閭閻官  
人內有貪冒苟得背公徇私或修己自守養望充位者還日各  
以名聞所至之州具令宣布求瘼恤隱稱朕意焉

五年二月詔曰伊昔明王奉若天道所寶惟穀所仗惟賢故能  
務穡勸分興利除害朕以薄德纂承洪緒政期克己誠不動天  
項歲河南河北諸州蝗虫為患雖當道遣使除瘞恐今又生育  
天戒若曰朕甚惧焉罪實在予殃豈移歲且牧宰之任朝廷所  
委苟得良才式敷惠訓古有壽長飛逝中牟不入者斯其效也  
刺史縣令等當各竭乃心用攘厥患方考休咎大明黜陟惟爾  
凡百可不勉歟宜令戶部郎中蔡容往河北道侍御史崔喬往  
河南道觀察百姓間利害便與州縣籌度隨事處置還日奏聞  
六年八月辛巳詔曰朕自臨御天下介于人上萬邦在念百姓  
為心慎日以兢因時載惕眷茲茂育寧忘鑒寐今歲河南諸州  
頗多水潦稼穡不稔閭閻阻飢方屬西巡更深東顧不如存問

孰副憂軫宜令工部尚書劉知柔馳驛充使往河南道巡歷檢問應免租庸及賑恤並量事便處分兼察人民冤苦官吏善惡還日奏聞宋毫陳許之間遭滂尤甚其應緣賑恤宜倍優賞

八年五月置十道按察使八月以御史大夫王峻充關內道按察使揚州長史王怡充淮南道按察使右庶子齊幹充河南道按察使少府監楊孚充劔南道按察使秦州郡都督張守潔充隴右道按察使荊州長史盧逸充山南道按察使鴻臚少卿蕭高充河南道按察使襄州刺史裴觀為梁州都督山南道按察使潤州刺史趙升卿充江南東道按察使宣州刺史霍廷玉充淮南西道按察使仍下制曰苛慝不作人斯無怨寬猛相濟政是以和故周禮以官刑糾邦理以官叙正郡吏允迪前烈式惟

舊章且夫寰宇至大不可以周覽藜烝至殷不可以獨化熙我庶政寔惟舊察苟非其才罔以稱理朕惟是夙夜不遑宴寧開元之初分遣案部糾擿姦犯頗聞懲息以其辜久則煩尋亦從其停廢縣以歲月寢成寬施今聞在外官寮多違憲法牧守則寄任茲重令長則祿秩且優亟聞侵竊屢有章奏雖賜金為惠未媿張武之心還珠表德罕見孟嘗之政豈敦諭之意未孚於就列將貞高之節有謝於前脩永懷於此良用沉歎且政寬則慢法弊則通弛而張之其可致理御史大夫王峻等並識通政要位以才達茂其聲實弘此憲章宜分命巡按以時糾察巡內有長史貪擾獄訟寃滯時懦尸祿苛虐在官即宜隨事按舉所犯狀並推勘淮格斷覆訖聞奏仍便覆因夫牧民宰之職教導

是先錄曹之任紀綱斯在其有政理殊尤清直獨立者咸以名薦餘官有清白著稱及諸色不善各別為科目同狀奏聞其尋常平狀並不須通俾夫善取其尤罰無所濫踈而不漏察而不苛將正其源流弘彼綱目不可揔此煩碎擾其吏人應是州縣常務事非損益者使人更不平預其百姓交不支應須處置事狀不便於釐革者與州縣商量處分訖奏聞以副虛佇之心以光澄清之舉

九年八月詔曰朕身居九重心在萬姓恐情未達下政或乖方頃者故命近臣分道巡撫為屬農月且停使車今秋稼方收時亦將隙命中書舍人何鸞等宜所到之處宣慰百姓令悉朕懷其有水旱之州或須貸給不可遠更奏聞宜便量事處置征鎮

之家各令州縣檢校優賞其中無兼丁存濟者仍加賑恤

十一年五月命左拾遺徐楚璧大理丞王琇大理評事宋詞班景倩河南府法曹叅軍元將茂大原府司錄叅軍事張珣大原府兵曹叅軍宋希王長安縣主簿常利涉長安縣王水陽主簿劉日正長安縣尉裴寬萬年縣尉崔希逸三原縣尉喬夢松谷成縣尉徐錡汜水縣尉薛偕同州法叅軍邊冲寂汾州錄事叅軍韋洽榆次縣尉郭庭等攝監察御史分巡諸道詔曰國之三典令于四方歲終則巡聽其獄訟須因水旱貨食不足或徭稅微逸多不折衷或租調蠲事涉欺隱皆吏之不職稱政之不修是用命茲使臣委其詳覆除楚璧等並白清自立茂有政聲必使事合權宜刑無寬濫不損於物有益於公往敷厥休副茲推

擇並可攝監察御史司當租庸地稅兼覆囚  
十三年正月制天下見禁囚徒死罪降至流流已下悉原之都  
城內委中書門下當日疏決處分京城委留守制到日處分仍  
令中丞蔣欽緒往河南大理少卿明珪往關內刑部郎中張搏  
往河東水部郎中崔珣往山南東道右庶子高仲舒往江西道  
職方郎中鄭續之往劔南道秘書丞張履冰往淮南道殿中侍  
御史孫濟往隴右道贊善大夫張景幽往河西道右諭德李林  
甫往山南道西主客郎中張烈往江南東道並即馳驛發遣所  
至之處疏決囚徒宣慰百姓其有窮乏不自存濟及時差征人  
之家有疾苦者各令州縣量加醫療及賑恤其嶺南五府磧西  
四鎮非流配郊力等見禁囚徒各委節度使及本管都督府處  
分布造遐邇通知朕意焉

十四年七月詔曰朕撫有天下寅畏上玄思保太和用康庶類  
頃秋夏之際水潦不時懷鄭許滑衛等州皆遭泛溢苗稼潦漬  
屋宇傾摧有切納隍之憂良深在予之責宜令右監門衛將軍  
知內侍省事黎敏仁速往宣慰如有遭損之處應須營助賑給  
並委使與州縣相知量事處置所在堤堰不穩便者檢行具私  
害聞奏

九月詔曰頃秋夏之間水潦方降閭閻損壞稼穡漂淪常恐一  
物之違况乃數州之弊故發中使循於外臺章奏屢聞州鄉稍  
輯朕視之如若納諸隍于再于三情猶馭朽審永人瘼更遣信  
臣中丞兼戶部侍中宇文融忠公竭誠夙夜匪懈當安人之任

有利檢之能眷彼使乎宜膺其選可往河南河北道遭水州宣  
撫仍審察有不支濟者宜更量加賑貸若屋宇摧懷牛畜俱盡  
及征人家不能自存立者量事助其修葺其有官吏縱捨賑  
給不均亦須糾正回日奏聞  
十五年三月制曰河北遭水處城旁及諸蕃殺降人先令安置  
及編州縣被差征行人家口等去年水滂漂損田苗頻遣使人  
所在巡撫兼令州縣倍加矜恤不知並得安存否今舊穀既沒  
新麥未登丁壯既差遠行老小慮不支濟朕居黃屋念在蒼生  
每思優養無忘鑒寐今故遣中使左監門衛將軍李善才重宣  
慰宜令州縣即時檢責有乏絕者准例給糧俾令安堵以副朕

心

七月詔曰同州鄜州近屬霖雨稍多水潦為害念彼黎民載懷  
憂惕宜令侍御史劉彥回乘傳宣慰其有百姓屋宇田苗被漂  
損者量事賑恤

八月制曰河北州縣水灾尤甚言念蒸人何以自給朕當宵興  
想有勞肝在予之費用朕於懷宜令所司量支東都租米二十  
萬石賑給乃令魏州刺史宇文融充宣撫使便巡撫水損應須  
優恤及合折免並存立閭舍一事已上與州縣相知逐穩便處  
置務從簡易勿致勞擾

十六年九月詔曰河南道宋毫許仙徐鄆濮兗州奏旱損田宜  
令右監門衛大將軍黎敬仁往彼巡問如有不支濟戶應須賑  
恤與州縣長官相知量事處置訖回日具狀奏聞

二十一年二月以檢校尚書右丞相甫翼充河南淮南道宣慰使檢校尚書吏部侍郎劉彤充江東江西道宣慰使尚書兵部侍郎李頊充山南道宣慰使制曰去年江南淮南有微遭旱處河南數州亦有水損百姓等皇甫翼等咸謂能賢式將朕命其間之絕應須賑貸便量事處置回日奏聞

四月以父旱命太子少保陸衆先戶部尚書杜暹等七人往諸道宣慰賑給仍令黜陟官吏踈決囚徒

二十二年二月壬寅詔曰秦州地震謫見后土朕每克念何以臻此仲尼有云禱久矣而精意以告或通神明徐國公蕭嵩地在輔弼朝廷之端右欲重將命暫為此行宜往秦州致祭山川凡緣所損百姓間事皆委嵩隨事處置回日以聞

辛亥初置十道採訪處置使命御史中丞盧絢為都畿採訪使御史中丞裴曠為京畿採訪使國子祭酒汴州刺史嗣魯王道堅為河南道採訪使華州刺史李尚隱為關內道採訪使太原尹崔隱甫為河東道採訪使禮部侍郎兼魏州刺史宋瑤為河北道採訪使太常卿兼廣州事嶺南經略使李朝隱為嶺南道採訪使揚州長史常許虔心為淮南道採訪使太僕卿兼判涼州都督持節河西節度等副大使牛仙客為河西道採訪使益州長史持節劔南節度副大使王昱為劔南道採訪使荊州長史韓朝宗為山南道採訪使潤州刺史劉日正為江南道採訪使秦州刺史裴敦復為隴右道採訪使梁州刺史宋詢為山南西道採訪使宜州刺史班景倩為江南道採訪使詔曰言念蒼

生心必徧於天下自古良牧福猶潤于京師所以歷選列城聿  
求連率豈徒刺察將委輯寧朝散大夫檢校御史中丞閔內宣  
諭賑給使上柱國盧絢等任寄已深聲實兼茂咸貫通於理道  
益純固於公心或華髮不衰或白珪無玷可以軌儀郡國康濟  
黎元問歲以來數州夫稔頗致流冗能無軫懷而吏或不畏不  
仁或不安不便誠湏矯過必在杖賢而前此使輩不無殷鑒事  
皆掣肘務欲總權小有舉於毫髮大莫振於綱領本令條舉却  
用煩竒永言所期豈云自弊今既各膺重寄允於通財以蠲疾  
苦之源當協大中之義若令行一道利及萬人朕所設官以俟  
能者朝之優扶上歸令譽言可復也宜副朕懷

十一月詔令給事中韋常巡閱內道中書舍人李彭年巡河南

道並與本道採訪使及所由長官商量回日奏聞

二十九年五月命大理卿崔翹尚書右丞席豫工部侍郎郭虔  
已御史中丞張倚中書舍人孫述給事中趙安貞太常卿常常  
班景分行天下詔曰三載考績以鑒吏能八使觀風因求民瘼  
茲事體大致理之由朕受命昊穹臨御寰夏慮乎一物有所不  
安徧於萬方無忘軫念而宇宙之內官吏至多儻有政失其宜  
則萬人受弊崔翹等或文學有稱或貞白流譽通於理道勵是  
公心俾爾澄清式當委寄至如黜陟之道國之所務苟有不當  
將何勵人頃年使臣例皆通狀其盡善者多有請求為選調之  
資不善者以凡碎見輕責奏課之數若此銜命豈副虛懷卿等  
所到之州宜具宣朕意其百姓間事或有須釐革者宜與所由

長官商量處置回日奏聞其官吏中有貪冒贓私及犯名教或衰老疾病或無政理者刺史已下宜停務奏聞其寄職公清為政尤異事堪激勸遠近知者具以名聞其諸道遭損下人應須賑給先頻有處分猶慮艱弊豈忘矜恤亦宜審與州縣商量務令周濟又聞河堤穿決致有漂流諒由州縣寬疎不時修塞亦便檢行處置勿使更然其天下道學固已有置者并郡學等此并切於生人比來興置蓋為教導各宜敦勸使有成益其征鎮之家或有單貧老弱不自存濟者宜令所由倍加優賞其浮寄逃戶等亦憑處分頃來招携未有長策又江淮之間有深居山洞多不屬州縣自謂莫徭何得因循致使如此並與州縣商量處置一時錄奏卿等既當巡察受委非輕是宜勉爾良劄以副朝選無或致有迴避不竭公忠朕之責成深宜自效

天寶五年正月命禮部尚書席豫御史中丞王錡蕭穩之諫議大夫韋見素李麟尚書左丞崔翹鴻臚少卿源先譽分道巡察天下風俗及黜陟官吏詔曰黜幽陟明所以察風俗永瘼恤隱所以慰黎蒸不有其人孰可將命禮部尚書席豫等亮直清節經通大才多識前言備行時政或久應任使嘗參八政之列或夙蘊忠公必副四方之委永懷兆庶用寄澄清豫巡河北道錡巡京畿關內及河東道隱之巡東畿及河南道見素巡山南東道江南西道黔中嶺南等道麟巡河西隴西等道翹巡劔南及山南西道光譽巡淮南及江南東道其百姓之間及官吏之輩如事或未該須有釐革者仍委量事處置回日奏聞其嶺

南黔中磧西途路遙遠若使臣一一自到慮有稽遲任各精擇判官准舊例分往

十四載三月命給事中裴淹禮部侍郎楊浚大常少卿姚子彥往河南河北江淮宣慰

肅宗至德二年十二月大赦令中書門下簡使即分道宣慰所至郡縣審問百姓間利害有須釐革處置者一一奏聞

代宗廣德二年三月庚戌詔曰歲之不易征賦繁興河南蕭然江外尤劇供上都之國用給諸道之軍須庶務徵求未遑小息火耕水耨夏葛冬表充饋運而屢空支戎衣而不足農人少而轉困編戶流而罕歸自比之化未淳大東之詞方切君為心也朕甚痛然今區宇漸寧州殘已甚惕然恭已姑務息人惧惛嫠

之無告思省方以觀民時邁未可日昃增勞載懷鴻鴈之詩用解吾人之恤必資循行悉以周爰皇皇者華申諭朕志宜令太子賓客兼御史大夫劉晏往諸道宣慰應百姓有徵科煩重人戶逃亡及水旱所損不能支濟者並與本道節度使計會蠲削安存逐便處置訖具狀奏聞官吏之政在邦必聞知無不為公道斯在其租庸使及刺史及縣令錄事參軍有精於政理賦役均平州縣之間稱為良吏者具名聞奏別有甄異如或淺忍慢法貪污敗官有害於人不應時務者亦具狀以聞仍與本道觀察節度使計會舉按四海之廣九重之深思使下情上通常令上旨下達務以審慎稱朕意焉

大曆二年八月以潭衡水災命給事中賀若察使于湖南宣慰

九月命比部員外郎莫藏用使于嶺南宣慰  
十二年八月以京畿水旱分命御史巡省

德宗即位初湖南山洞中王國良者聚眾為盜都官員外郎閔  
播往宣撫之臨行召對於別殿播奏曰臣今奉詔撫國良如不  
受命臣請便宣恩命誥鄰州速出兵翦除帝曰卿言深合朕意  
建中元年二月發黜陟使分往天下以文司郎中兼侍御史虔  
何巡京畿職方郎中劉灣往閩內刑部員外郎裴洎言往河東  
澤路磁邢等道司勳郎中韋禎往山南西道劔南東西川禮部  
郎中趙贇往山東荆南黔中湖南等道諫議大夫洪經綸往魏  
博成德幽州等路給事中盧翰往河南淄青東都畿等道吏部  
郎中李承往淮西淮南等道諫議大夫柳載往浙江東西道刑  
部郎中鄭叔則往江南江西福建等道禮部員外衛晏往嶺南  
五管詔曰朕聞唐虞聖王之理三載考績黜陟幽明兩漢施教  
之君亦命八使澄清天下朕纂承大業思服訓謨雖王公卿士  
內勤夙夜藩岳守將外盡公忠而兵革未寧戎夷未靜綱紀未  
振法令未敷封圻郡縣賦稅不一師旅上下勞逸不均所以終  
霄積憂寤寐增惕爰命群士往代予言行乎四方以聽于理舉  
其百事以歸于正朕之深願可不勤副也

其責誠自歸於  
興元元年正月帝在奉天詔曰古者天子有巡狩之義以考國  
典以觀人風在時多虞良或未暇乃命卿士使于四方問人疾  
苦廉吏善惡苟副所任則如親臨在理平之時尚資勤恤况流  
散之後得無省憂朕以不敏不明肆于人上撫育失道誠信未

乎寇盜繁興阻兵拒命哀我臣庶陷于匪人顧茲田疇鞠為茂  
草不念柔服遂命徂征徵發甲兵曝露營壘冒于鋒刃繼以死  
傷農工廢棄其生業商賈咨嗟於道路軍戎日益閭巷日空凋  
瘵愈窮費用愈衆以財力之有限供求取之無涯怨氣上騰咎  
徵斯應疫癘荐至水旱相乘人罹於災誰任其責朕自嗣位始  
今六年連兵不解已愈四稔雖本非獲已義在濟人而事有重  
勞良深罪已皆以朕之寡昧居安忘危致寇之由實在於此予  
則不德人亦何辜媿恨積哀痛心疾首作者改元施令悔往布  
新將使反側獲安干戈自息猶惧思慮不周於庶務誠感未達  
於遐方二理失中一夫不獲則何以謝天謹致人和俾代予言  
其在良弼宜令門下侍郎平章事蕭復充山南東西荆湖淮南

西鄂岳浙江東西福建嶺南等道宣慰安撫使嗚呼往率乃職  
敬敷朕命慰勉征戍勞徕困窮訪其所安察其所弊滯淹必達  
冤濫必申無憚幽遠而不被無略細微而不恤其諸道將士准  
前制嚴備疆界勿使侵擾仍各令本使具名銜聞奏悉與甄叙  
殊功勁節別條狀迹當特優獎百姓兩稅外徵率一切並停諸  
道事緣急切交湏處分即與長史高度務合便宜其餘利害並  
還日條奏朕當詳省以擇厥中宣布遠近咸令知悉

是月給事中杜黃裳兼御史中丞江南宣慰使

十月辛丑詔工部尚書賈耽往河陽魏博道宣慰兵部侍郎李  
紆往河東宣慰

十一月丁丑以祕書監崔漢衡為兵部尚書東都河陽魏博宋

毫淄青振給宣慰使工部侍郎劉大真為河東澤潞鎮冀易定賑給宣慰使

貞元元年二月遣工部尚書賈耽工部侍郎劉大真宣慰于東

都河南

是時東都米每斗直一千錢飢饉塞道前年蝗虫大起自山而東竟于海寧天被野草無遺河北諸州米斗直

錢九百錢死者枕壓道路

八年八月詔曰朕以薄德托於人上勵精庶政思致雍熙而誠不動天政或多闕陰氣作沴暴雨荐臻自江淮而及於荆襄歷陳宋而施于河朔其聞都邑連有水灾城郭多傷公私為害損壞庐舍浸敗田苗或親戚漂淪或資產沉溺為民父母所不忍聞輿言夜懷良深惻憫夙夜祇畏悼于厥心是用寢不獲安食而忘味時且賑恤庶洽幽明宜令中書舍人奚陟往江陵襄郢

隨鄂申光蔡等州左庶子姚齊梧往陳許宋毫徐泗等州秘書

少監雷咸往鎮冀隸深趙等州京兆少尹常武往揚楚庐壽徐

潤蘇常湖等州宣撫應諸州百姓因水不能自存者委宣撫使

賑給死者各加賜物所在官為收斂埋瘞其田苗所損委宣撫

使與所在長官具奏於戲一夫不獲一物失所刑罰不中賦斂

不均皆可以失陰陽之和致水旱之沴其繫囚及獄訟久未決

者委所在長吏即與踈辨務從寬簡俾伸寃滯貪官暴吏倚法

害公特加懲肅用明典憲災傷之後切在撫綏咨爾方鎮之臣

洎于守宰咸宜悉乃心力以恤凶災宣布朕懷使各知悉是時

河南河北山南江淮凡四十餘州大水漂溺死者二萬餘人帝

詔見奚陟等於延英殿臨遣

憲宗以永真元年八月即位詔曰理天下者先修其國國命之重寄在方鎮方鎮共理實惟列誠為政繫手屬縣然則匹夫之耕匹婦之織積微成著以供國計永念蒸庶厥惟艱哉頃年以江淮租賦爰及推稅委在藩服使其平均太上皇君臨之初務從省便遂令使府歸在中朝或恐巡院既多職因交替新制未立舊綱已紊况河汴而東瀕海之右名都奧壤疆理接連如或征賦不均徵輸難濟物輕貨重法弊人勞又聞江淮數道比愆時雨深憂黎庶之不足軍國之闕供政有所不宣事有所未便牧宰有課績官吏有臧否爰遣使臣申我休命宜令度支及諸道監鐵轉運副使戶部侍郎兼御史大夫潘孟陽專往宣諭慰安疲甍詢訪便宜蠲除疾苦安人利國稱朕意焉

元和四年正月以災旱命左司郎中鄭敬使淮南宣歙吏部郎

中崔元使浙西浙東司封郎中孟簡使山南東道荆南京兆少

尹裴武使江西鄂岳等道宣撫

帝召對告之曰卿等賑恤災旱當勤於奉職勿如潘孟陽所到

務飲酒游仙寺而已仍計卿等以便宜從事

穆宗長慶元年八月丁亥以殿中侍御史溫造為起居舍人充

鎮州四面諸軍宣慰使造前以京兆府司錄宣慰兩河眾推其

材故有是命廷起居舍人無何范陽以其將朱克融為師鎮州

殺節度使田弘正奏至又以造為鎮州四面河東博澤潞橫海

深冀易定等軍宣慰使

文宗大和三年正月癸丑諫議大夫相耆以奉使召對於延英

九月命監察御史孟瑄往淮南浙右巡察米價

五年七月甲申詔曰蓋天人之際相應如響祥禳之來各惟厥事乃者兵革始罷黎庶甫寧而蜀土載罹震驚方務綏緝今又水潦為沴沉溺實多載省奏章益深惕慮諒以朕澤不逮下誠無感通五事致咎此方何罪夙夜兢兢憫歎良深宜令戶部郎中李踐方充西川安撫使

開成元年二月庚寅中書門下奏准赦書諸道黜陟使以給事中盧鈞司農卿李玘吏部郎中薛庭老太常少卿盧深刑部郎中方直溫分命之

三年八月丁酉詔曰大河而南幅圓千里楚澤之北連亘數州近以水潦暴至隄防潰溢既壞廬舍復損田苗言念黎元羅此災沴或生業蕩盡或農牧索然困餒凋殘豈能自濟是用動約疚于中懷今故臨遣使臣詳問病害紓其墊溺之苦申以勞佚之方勉諭師徒安存孤老將我惠澤冀蘇疲人宜令給事中盧弘宣往許鄭滑鄆曹濮等道宣諭刑部郎中崔璠往山南等道鄂岳等道宣慰於戲朕自君臨勵永理道常恐一物失所每以萬姓為心誠無感通時有災害夙夜媿悼不知所然宣示藩方喻茲詔命使寬其徭役禁其浸漁方多葺綏俾速完復布告眈庶知朕意焉

昭宗天復二年三月詔遣諫議大夫張顛示喻太原汴州使息

兵通和 太原後唐太祖也  
汴州梁太祖也

後唐明宗天福六年冬十月丁亥朔遣鴻臚少卿魏玘將作少監霍廷讓左領軍衛將軍安滲右驍衛將軍田峻于滑濮鄆澶

回州檢河水害稼處并安撫百姓  
周世宗顯德元年八月以諸州編戶皆以雨水害稼上詔遣兵部郎中麻麟等二十三人分案之

新刊監本冊府元龜卷之一百六十三

帝王部一百六十三

招懷

傳曰招攜以禮懷遠以德賈誼所謂降者親酌而手食之以懷其心乃五餌之一也蓋王者創業垂統握契御辯征不諛討不庭推亡固存式遏亂略必使威加于外信著于內桀驚革心英俊又用輔成大業光照帝圖如斯而已矣故其始也或喻之以文告或給之以要誓推心置腹曠然不疑分茅胙土待之不次以至賜田宅以安之錫臧獲以寵之其旨也

漢高祖五年十二月既平項籍齊王田橫懼誅與其徒屬五百餘人入海居鵑中

海中山曰鵑

帝聞之以橫兄弟本是齊齊人賢者

多附焉今在海中不收後恐有亂迺使使赦橫罪而召之橫謝曰臣烹陛下之使酈食其今聞其弟商為漢將而賢臣恐懼而不敢奉詔請為庶人守海陽中使還報帝迺詔衛尉酈食商曰齊王橫即至人馬從者敢動搖者致族夷言平除其族迺復使使持節具告以詔意曰橫來大者王少者乃侯耳大者謂橫身小者其徒屬且發兵加誅橫迺與其客二人傳詣維陽

十年九月代相國陳豨反帝東至邯鄲令周昌選趙壯士可令

將者白見四人白於天子而召見也帝嫚罵曰嫚者滯汗也豎子能為將乎四

人慙皆伏地帝封各千戶以為將左右諫曰從入蜀漢伐楚賞

未偏行今封此何功帝曰非汝所知陳豨反趙代地皆豨有吾

以羽檄徵天下兵未有至者檄者以木簡為書長尺二寸用徵召也其有急事則加以鳥羽挿之

示速疾也魏武奏事云今計唯獨邯鄲中兵耳吾何愛四千戶

不以慰趙子弟皆曰善

十一年五月詔曰粵人之俗好相功擊前時秦徒中縣之民南

方三郡使與百粵雜處會天下誅秦南海尉佗居南方長治之

甚有文理中縣人以故不耗減粵人相攻擊之俗益止俱賴其

力今立佗為粵王使陸賈即綬璽綬佗稽首稱臣

文帝元年以南粵王佗親家在真定迺為置守邑親謂父母也歲時

奉祀召其從昆弟尊官厚賜寵之詔丞相陳平舉可使粵者平

言陸賈先帝時使粵帝詔賈為大中大夫謁者一人為副使賜

佗書曰皇帝謹問南粵王甚苦心勞意朕高皇帝側室之子非言

正嫡所棄外奉北藩于代道里遼遠壅蔽樸愚未嘗致書得通

越使於高皇帝棄群臣孝惠皇帝即世高后自臨事不幸有疾日

進不衰言疾病益甚也以故詩暴乎治詩年也諸呂為變故亂法不能獨

制迺取他姓子為孝惠皇帝即世高后之靈功臣之力誅之已

畢朕以王侯吏不釋之故辭讓帝位不見置也不得不立今即位乃者聞

王遣將軍隆慮侯書求親昆弟親罷長沙兩將軍他之昆弟在故鄉者求訪

之而兩將軍兵繫城者請罷之以賓附於漢也言親昆弟者謂有服屬者也朕以王書罷將軍博陽

侯親昆弟在真定者已遣人存問脩治先人家前日聞王發兵

於邊為寇災不止當其時長沙苦之南郡尤甚雖王之國庸獨

利乎言越兵寇邊長沙南郡皆厭苦之而漢軍亦當相拒方有戰鬪於越亦非利也必多殺士卒傷良

將吏寡人之妻孤人之子獨人父母得人亡十朕不忍為也朕

欲定地犬牙相入者以問吏吏曰高皇帝所以界長沙地界隔也

朕不得擅變焉吏曰得王之地不足以為大得王之財不足以

為富服嶺以南王自治之山嶺名也長沙南界也雖然王之號為帝兩帝

並立亡一乘之使以通其道是爭而不讓仁者不為也願與王

分棄前患彼此其棄故云分終今以來通使如故從今通使至於終故

使賈馳諭告王朕意王亦受之母為寇災矣上褚五十衣中褚

三十衣下褚二十衣遺王以縣裝衣曰褚上中下者願王聽樂

娛憂存問鄰國謂東越及甌駼等陸賈至南粵王恐乃頓首謝願奉明

詔長為藩臣奉貢職因使者獻白璧一雙翠鳥千犀角十紫貝

五百桂蠹一器桂樹中蝟虫也漢書常以獻陵廟載以赤穀小車此虫食桂故味辛而漬之以食之也生

翠四十雙孔雀二雙

平帝元始二年募汝南南陽勇敢吏士三百人諭說江湖賊成

重等二百餘人皆自出送家在所收事

言身既自出又各送其家人詣本屬縣邑從賊

後重徒雲陽

重成重也作賊長師故徒之也

後漢光武建元元年九月辛卯朱鮪舉城降初帝即位拜岑彭

廷尉行大將軍事與大司馬吳漢大司空王梁建義大將軍朱

祐右將軍侯進偏將軍馮異祭道王伯弇圖洛陽數月朱鮪等

堅守不肯下帝以彭嘗為鮪校尉令往說之鮪在城上彭在城

下相勞苦歡語如平生彭因曰彭往者得執鞭侍從蒙薦舉拔

擢常思有以報恩今赤眉已得長安更始為王王所反皇帝受

命乎定燕趙尽有幽冀之地百姓歸心賢俊雲集親率大兵來

攻洛陽天下之事逝其去矣公雖嬰城固守將何待乎鮪曰大

司徒被害時鮪與其謀

與音預

又諫更始無遣蕭王北伐誠自知

罪深彭還具言於帝帝曰夫建大事者不忌小怨鮪今若降官

爵可保况誅罰乎河水在此吾不食言

指河以為信言其明白也

彭復往告

鮪從城上下索曰必信可乘此上彭趣索上鮪見其誠即許絳

後五日鮪將輕騎詣彭顧敕諸部將曰堅守待我我若不還諸

君徑將大兵上轅轅歸郾王乃面縛與彭俱詣河陽帝即解其

縛召見之復令彭夜送鮪歸城明旦悉其衆出降拜鮪為平狄

將軍封扶溝侯

二年正月更始復漢將軍鄧畢輔漢將軍于康降皆復爵位

三年西州大將軍隗囂奉奏帝素聞其風聲報以殊禮言稱字

用敵國之儀所以慰藉之良厚

慰安也藉薦也言安慰而薦藉之良甚也

初囂據涼

州鄧禹承制遣侍持節命囂為西州大將軍得專制涼州朔方

事及赤眉去長安欲西上隗囂遣將軍楊廣迎繫破之又追敗之於烏氏涇陽間囂既有功於漢又受鄧禹爵署其腹心議者多勸通使京師囂乃上書詣闕時陳倉人呂鮪擁衆數萬與公孫述通寇三輔囂復遣兵佐征西大將軍馮異擊走之鮪遣使上狀帝報以手書曰慕樂德義思相結納昔文王三分猶服事殷但駕馬鈇刀不可強扶蒙伯樂一顧之價而蒼蠅之飛不過數步即託驥尾得以絕羣隔於盜賊聲聞不數將軍操報款誠扶傾救危南拒公孫之兵北御羗胡之亂是以馮異西征得以數千百人躑躅三輔微將軍之助則咸陽已為他人擒矣今關東寇賊徃徃屯聚志務廣遠多所不暇未能觀兵成都與子陽角力

臣欽若昔日子陽公孫述字也

如今子陽到漢中三輔願因將軍兵馬鼓

旗相當儻肯如言蒙天之福即知士計功割地之秋也管仲曰生我者父母成我者鮑子自今已後手書相聞勿用傍人解構之言自是恩禮愈篤其後公孫述數出兵漢中遣使以大司空扶安王印綬綬囂自以與述敵國耻為所臣乃斬其使出兵繫之連破述軍以故蜀兵不復北出是年劉永將慶吾斬永首降封吾為列侯帝又徵馮魴為虞令魴當王莽末四方潰畔聚賓客招毫傑作營壑以待所歸待真主也時天下未定而四方之士擁兵矯稱者甚衆唯魴自守兼有方略帝聞而嘉之徵詣行在所見於雲臺拜官

五年四月河西大將軍竇融始遣使貢獻帝賜融璽書萬金二百斤授涼州收後融與五郡大守共砥厲兵馬上疏請師期以

討隗囂帝深嘉美之賜融外屬圖及大史公五宗外戚世家景

子十三人為王而母五人同母者為一宗故曰魏其侯列傳詔

報曰每追念外屬孝景皇帝出自竇氏定王景帝之子朕之所

祖昔魏其一言繼統以正長君少君遵奉師傳脩成淑德施及

子孫施延也音此皇太后神靈上天祐漢也從天水來者寫將

軍所讓隗囂書痛入骨髓畔臣見之當股慄慙愧忠臣則酸鼻

流涕義士則曠若發矇非忠孝慤誠孰能如此豈其德薄者所

能克堪竊自知失河西之族禍將及欲設間離之說亂惑真心

轉相解構以成其姦又京師百僚不曉國家及將軍本意多能

採取虛偽誇誕妄談令忠孝失望傳言乖實毀譽之來皆不徒

然不可不思今關東盜賊已定大兵今當悉西將軍其抗屬威

武以應期會融被詔即與諸郡守將兵入金城後融歸朝拜冀

州牧尋廷大司空

十月好時候耿弇等繫破張步軍於臨淄步走還劇帝勞軍至

臨淄謂弇曰田橫烹鄒生及田橫降高帝詔衛尉不聽為仇張

步前亦殺伏隆三年帝遣隆若步來歸命吾當詔大司徒釋甚

怨大司徒湛步乃肉袒負斧鑕於軍門封丘侯

十二月西州大將軍隗囂遣長子恂入侍帝以為胡騎校尉封

鐫羗侯鐫謂

六年帝與公孫述書曰圖讖言公孫即宣帝也代漢者當途高

君豈高之身邪一云光武與述書曰承赤乃復以掌文為瑞時

妄引讖記及刻其王莽何足效執君非吾賊臣亂子倉卒時人

掌文曰公孫帝也

皆欲為君事耳何足數也君日月已逝妻子小當早為定計可  
以無憂天下神器不可力爭宜留三思署曰公孫皇帝述不答

是年隗囂使周游詣闕先到馮異營游為仇家所殺帝遣衛尉

銑期持環寶繒帛賜囂期至鄭被盜鄭今華州縣是亡失財物帝稱囂

長者務欲招之聞而歎曰吾與隗囂事不諧使來見殺得賜道

亡帝復使來欵至汧陽隗囂書曰昔柴將軍與韓信書云柴將軍

武也韓信之王信也匈奴武與韓書也陛下寬仁諸侯雖有亡叛而後歸輒復位號

不誅也以囂文吏曉義理故復賜書深則似不遜略言則事不

決今若束手復遣恂第歸闕庭者則爵祿獲全有浩大之福矣

浩亦大也吾年垂四十在兵中十歲厭浮語虛辭即不欲勿報七年

以隗囂所署明威將軍王運為太中大夫遵字子春霸陵人雖

與囂舉兵而常有歸漢意囂既稱臣於公孫述帝因令來欵以

書招遵乃與家屬東詣京師拜為太中大夫封尚義侯一云遵降封乙

誰是冬廬方臣欵若等曰方王莽未起兵為西平匈奴單于立為漢帝所置朔方太守田颯

雲中太守喬扈各舉郡降帝令領職如故

八年隗囂大將十三人衆十餘萬降囂奔西城帝復詔告隗囂

曰若束手自詣父子相見保無佗也高皇帝云橫來大者王小

者侯若遂欲為黔布者亦自任也

十二年公孫述弟恢及子壻史興並為大司馬吳漢輔威將軍

臧宮所破戰死自是將師恐懼日夜離叛述雖誅威其家猶不

能禁帝必欲降之乃下詔諭述曰往年詔書北下開示恩信勿

以來欵岑彭受害自疑今以時自詣則家族完全若惑不諭委

以來欵岑彭受害自疑今以時自詣則家族完全若惑不諭委

肉虎口痛哉柰何將師疲倦吏士思歸不樂父相屯守詔書手記不可數得朕不食言述終無降意

是歲盧芳將隨昱欲脅芳降芳知心膺內潰遂亡入匈奴其衆盡歸昱乃隨使者程恂詣厥拜昱為五原太守封鑄胡侯昱弟

慮武侯十六年盧芳入居高柳

縣名故城在定襄縣

與閔堪兄林使使請

降乃封芳代王堪為代相林為代太傅賜繒二萬疋因使和集匈奴

魏大祖為漢大將軍建安四年四月圍射大張楊故長史蒞洪河內太守繆尚率衆降封為列侯

十一月張繡率衆降封為列侯

十二月袁術所署廬江太守劉勲率衆降封為列侯

八年十月袁尚將呂曠呂詳叛尚屯陽平率其衆封為列侯

是年吳以太史茲為建昌都尉沿海昏大祖其名遺茲書以蒞封之祭省無所道而但貯當歸

十年正月袁熙大將焦觸張南等叛攻熙熙弟尚奔三郡烏丸觸等舉其縣降封為列侯

四月黑山賊張燕率其衆十餘萬降封為列侯

十三年七月大祖征劉表八月表卒其子琮嗣屯襄陽大將蒯越從事中郎韓嵩東曹掾傅巽等說琮歸太祖後太祖軍到襄陽琮舉州太祖以琮為青州刺史封列侯蒯越等侯者十五人越為光祿勳韓嵩大鴻臚鄧羲侍中劉先尚書令其餘多至大官又以表大將文聘為江夏太守使統本兵

十六年十月北征楊秋圍安定秋降復其爵位使留撫其民人

二十年七月破漢中賊師程銀侯選詣太祖降皆復官爵銀選及李堪皆河東人興平之亂各有衆千餘家並與馬超合超破走堪臨陣死銀選南入漢中勢孤至是來降

十一月張魯自巴中將其餘衆降封魯及五子皆為列侯

文帝初為魏王延康元年五月馮翊山賊鄭甘王照率衆降皆

封侯

魏書曰初鄭甘王照及盧水胡率其屬來降王得降書以示朝曰前欲有令吾計鮮卑者吾不從而降又有欲使吾及今秋計盧水胡者吾不聽今又降昔魏武侯一謀而當有自得之色見譏李悝吾今說此非自是也徒以為坐而降之其功大於動

兵革也

七月屬將孟達率衆降帝自筆手令曰吾前遣使宣國威靈而達即來吾惟春秋褒儀父即封拜遣使還領新城太守近復有扶老携幼首向王化者吾聞風沙之民自縛其君以歸神農幽

國之衆襁負其子而入鄴鎬斯豈區略迫脅之所致哉乃風化

動其情而仁義感其衷歡心內發使之然也以此而推西南將

萬里無外權備將與誰守死乎

臣欽若等曰權備謂吳蜀主也

黃初三年八月蜀大將黃權及嶺南郡大守史邰等三百一十

八人詣荊州刺史奉上所假印綬祭戟幢麾衙門鼓車權等詣

行在所在置酒設樂引見於承光殿權邰等人人前自陳帝為

論說軍旅成敗去就之分諸生無不喜悅賜權金帛車馬衣裘

帷帳妻妾下及偏裨皆有差拜權為侍中鎮南將軍封列侯即

日召使驂乘及封史邰等四十二人皆為列侯為將軍即將者

百餘人

明帝大和二年蜀將諸葛亮寇邊帝幸長安露布天下並班告

益州曰劉備背恩自竄巴蜀諸葛亮棄父母之國阿殘賊之黨  
神人被毒惡積身滅亮外慕立孤之名而內貪專擅之實劉升  
之兄弟空城而已亮又悔易益土雪用其民是以利狼宕渠高  
定清羗莫不克解為亮仇敵而亮反表負薪秉耒盡毛殫則趾適  
履刻肌傷骨反更稱說自以為能行兵於井底游步於牛蹄自  
朕即位三邊無事猶哀憐天下數遭兵革且欲養四方之嗜老  
長後生之孤幼先移風於禮樂次講武於農隙置亮畫外未以  
為盧而亮懷李能愚勇之智不思荆邯度德之戒驅略吏民盜  
利祁山王師方振瞻破氣奪馬謖高祥望旗奔敗虎臣逐北蹈  
尸涉血亮也小子振驚朕師猛銳踊踴咸思長驅朕惟率土莫  
非王臣師之所處荆棘生焉不欲使十室之邑忠信貞良與夫

淫昏之黨同受塗炭故先開示以照國誠勉思變化無滯亂邦  
巴蜀將士吏民諸為亮所劫迫公卿已下皆聽束手

是年魏興太守申儀來朝拜樓船將軍在禮請中初儀兄耽漢  
未在西平上庸間聚數千家後與張魯通又遣使詣大祖加其  
號為將軍因使令上庸都尉至建安末為蜀所攻以其郡西屬  
黃初中儀復來還詔即以兄散號加儀因拜魏興太守封侯後  
與新城太守孟達不和數上言達有二心於蜀及達反儀絕蜀  
道使救不到達死後儀詣宛見司馬宣王勸使來朝故有是命

一云儀父在魏興專威疆場輒承制刻印多所假綬孟達既誅  
有自疑心時諸郡守以司馬宣王新克捷奉禮求賀皆聽之宣  
王使人諷儀儀至問承  
制狀執之歸于京師

青龍元年遼東大守公孫淵通於孫權國家知淵兩端而恐遼

東夷民為淵所誤故公文下遼東因赦之曰告遼東玄菟將挾  
吏民逆賊孫權遭遇亂階因其先人劫略州郡遂成羣凶自擅  
江表含垢藏疾冀其可化故割地王權使南面稱孤位以上將  
禮以九命權親又手北向稽顙假人臣之寵受人臣之榮未有  
如權者也狼子野心告令難移率歸反覆背恩叛主滔天逆神  
乃敢僭號恃江湖之險阻王誅未加比年已來復遠遣船越度  
大海多持貨物誑誘邊民無知與之交閔長吏以下莫肯禁止  
至使周賀浮舟百艘沉滯津岸貿廷有無既不疑拒齎以名馬  
又使宿舒隨賀通好十室之邑猶有忠信陷君於惡春秋所書  
也今遼東玄菟奉事國朝紆青拖紫千百為數載纒垂纓咸佩  
印綬曾無規正納善之言龜玉毀於匱虎兕出於匣是誰之過  
與國朝為子大夫羞之昔狐突有言父教子貳何以事君策名  
委質貳乃辟也今乃阿順邪謀脅從姦惑豈父兄之教不詳子  
弟之舉習非而已哉若苗穢害田隨風烈火芝艾俱焚安能自  
別乎且又此事固然易見不及鑒古成敗書傳所載也江南海  
北比有萬里之限遼東君臣無怵惕之患利則利所不利貴則  
義所不貴此為厭安樂之居求危亡之禍賤忠貞之節重背叛  
之名蠻貊之長猶知愛禮以此事人亦難為顏且又宿舒無罪  
擠使入吳奉不義之使始與家訣涕泣而行及至賀死之日覆  
衆成山舒雖脫死魂魄離身何所逼迫乃至於此今忠臣烈將  
咸忿遼東反覆攜貳皆欲乘桴浮海期於肆意朕為天下父母  
加念天下新定既不欲勞動干戈遠涉大川費役如彼又悼邊

陸遺餘黎民迷誤如此故遣郎中衛慎邵帽等且先奉詔示意  
若股肱忠良能敦卽立信以輔時君反邪就正以建大功福莫  
大焉儻恐自嫌己為惡逆所見染污不敢倡言永懷伊戚其諸  
與賊使交通皆赦除之與之更始是歲公孫淵斬送孫權所遣  
使張彌許晏首帝於是拜淵大司馬封樂浪公持節領郡如故  
高貴鄉公甘露二年六月乙巳詔吳侍持節都督夏口將軍事  
鎮軍將軍沙羨侯孫一賊之枝屬位為上將畏天知命深鑒禍  
福翻然舉衆遠歸大國雖微子去殷樂毅遁燕無以加之其以  
一為侍中車騎將軍假節交州牧吳侯開府辟召儀同三司依  
古侯白八命之禮袞冕赤舄事從豐厚

陳留王咸熙元年九月辛未詔曰吳賊政刑暴虐賦歛無極  
孫休遣使鄧句勅交趾太守鎖送其民發以為兵吳將呂興因  
民心憤怒又承王師平定巴蜀卽糾合豪傑誅除句等驅逐太  
守長史撫和吏民以待國命九真曰南郡開興去逆耶順齊心  
響應與興移書曰南州郡開示大計兵臨合浦告以禍福遣都  
尉唐譜等詣進乘縣因南中都督護軍霍弋上表自陳又交趾  
將吏各上表言興創造事業大小承命郡有山賊入連諸郡懼  
其計異各有携貳權時之宜以興為督交趾諸軍事上大將軍  
定安縣侯乞賜褒獎以慰邊荒乃心款誠刑於辭旨昔儀父朝  
魯春秋所美竇融歸漢待以殊禮今國威遠震撫懷六合方包  
舉殊裔混一四表興首向王化舉衆稽服萬里馳義請吏師職  
宜加寵遇崇其爵位既使興等懷忠感悅遠人聞之必皆競勸

其以興為使持節都督交州諸軍事南中大將軍封定安縣侯  
得以便宜從事先行後上策命未至興為下人所殺

十月丁亥詔曰昔聖帝明王靜辭濟世保大定功文武殊塗勲  
烈同歸是故或舞干戈以訓不庭或陳師旅以威暴慢至於愛  
民全國康惠庶類必先脩文教示之軌儀不得已然後用兵此  
盛德之所同也往者既漢分離九土顛覆劉備孫權乘間作禍  
三祖綏寧中夏日不暇給遂使遺寇僭逆歷世幸賴宗廟威靈  
宰輔忠武爰發四方拓定庸蜀役不移時一征而克自頃江表  
衰弊刑政荒闇已漢已定孤危無爰交荆揚越靡然向風今交  
趾為將呂興已師三郡萬里歸命武陵邑侯相嚴等糾合五縣  
請為臣妾豫章廬陵山民舉眾叛吳以助北將軍為號又孫休  
病死王師改易國內乖違人各有心偽將施績賊之名臣懷疑  
自猜深見忌惡眾叛親離莫有固志自古及今未有亡徵若此  
之甚若六軍震曜南臨江漢吳會之域必扶老携幼以迎王師  
必然之理也然興動大眾猶有勞費宜告諭威德開示仁信使  
知順附和同之利相國叅軍事徐紹水曹掾孫或昔在壽春並  
見虜獲紹本南陵偽督才質開壯或孫權支屬忠良見事其遣  
紹南還以或為副宣揚國命告諭吳人諸所示語皆以事實若  
其覺悟不損征伐之計蓋廟勝長筭自古之道也其以紹兼散  
騎常侍加奉車都尉封都亭侯或兼給事黃門侍郎賜爵關內  
侯紹等所賜妾及男女家人在此者悉聽自隨以明國恩不必  
使還以開廣大信

晉武帝泰始八年吳西陵督步闡來降拜衛將軍開府儀同三司封宜都公

咸寧二年六月吳京下督孫階師衆來降以為車騎將軍封丹陽侯

成帝時涼州牧張駿遣護羌參軍陳寓從事徐馮華馭等至京師征西大將軍庾亮上疏曰陳寓等冒險遠至宜蒙銓叙詔除寓西平相馮等為縣令

孝武帝時涼州牧張天錫既降符堅後堅寇淮南大敗于淮肥時天錫為符融征南司馬於陣歸國詔曰昔孟明不替終顯厥功豈以一青而廢才用其以天錫為散騎常侍在員外後

後魏道武皇始二年二月幸楊城大破慕容寶衆寶所署尚書閔亮祕書監崔暹太常孫沂殿中侍御史孟輔等並降降者相屬拜賜職爵各有差初其將張驥李况慕容文等先來降尋皆亡還是日復獲之皆赦而不問

三月慕容寶走和龍寶燕郡太守高戶率戶二千歸國帝賜爵東阿侯加右將軍摠伐東諸郡

五月以中山城內為慕容普隣所脅而太軍迫之欲降無路乃密招諭之是歲寶鉅鹿太守高常率郡降賜爵經縣侯加寵驤將軍仍守鉅鹿以寶堂郡內史遼東公宇文括弟一客是時代人薛達頭自姚萇率部落歸國帝加其忠款賜爵聊城侯散負大夫待以上客之禮達頭閑雅恭慎帝深器之

明元太常二年八月宋滅姚泓渤海刁雍等歸國上表陳誠於

南境自效常許之假雍建義將軍

十二月詔河東河內有姚泓子弟播越民間能有送致京師者賞之

七年山陽公奚斤南討軍至潁川宋陳留太守嚴稜率文武五百人詣斤降驛送稜朝帝於冀州嘉其誠款拜平遠將軍賜爵郟陽侯假荆刺史隨駕南征還為上客是時赫連昌寧東將軍費峻率衆來降拜龍驤將軍賜爵捷為公

大武神麈四年二月冠軍將軍安頡等平滑臺擒宋脩朱脩之帝善其固守授以內職以宗室女妻之

延和元年七月伐和龍馮跋石城太守李崇率十餘郡歸降帝甚禮之呼曰李公以崇為平西將軍北幽州刺史固安侯是年河西王禿髮傉檀子保周棄沮渠蒙遜來奔以保周為張掖公大延五年九月西征涼士乞伏西秦大夏鎮將常但子爽與兄仕國歸款軍門帝嘉之賜仕國爵五品顯美男爽為六品拜宣威將軍

太平真君元年八月沮渠無諱降尋拜為征西大將軍涼州牧酒泉王

三年四月涼武昭王孫李宝據燉煌遺使內附十二月遣使授寶使持中都督西垂諸軍事鎮西大將軍開府儀同三司領護四戎校尉沙州牧燉煌公仍鎮燉煌四品以下聽承制假授寶隴西狄道人伯父歆為沮渠蒙遜所滅寶徙於姑藏歲餘隨舅唐契北奔伊吾臣於蠕蠕其遺民歸附者稍至二千寶傾身禮

接甚得其心衆皆樂為用每希報雪屬帝遣將討沮渠無諱於  
燉煌指城遁走寶自伊吾南歸燉煌遂脩繕城府恢復先業遺  
弟懷遠奉表歸城帝嘉其忠款故有是拜仍以懷遠為散騎常  
侍燉煌太守

十一年十一月南伐至鄒山太山鉅平人羊祉與魯郡太守崔  
耶利及其屬縣徐遜愛猛之等俱降賜祉爵鉅平子拜鴈門太  
守是時合鄉令張忠歸降賜爵新昌拜新興太守高育為馮文  
通建德令值大武東封率其所部五百餘家歸命軍門帝授以  
建德將軍齊郡建德二郡太守賜爵肥如子  
獻文即位初遼東高崇歸國賜爵陽關南居遼東詔以沮渠牧  
犍女賜潛為妻封武威公主拜駙馬都尉

天安元年九月宋徐州刺史薛安都以彭城內屬宋將張允沈  
攸之繫安都詔北部尚書尉元為鎮戍大將軍都督諸軍事孔  
伯恭為副出東道救彭城時宋明帝自立郡情不協共立前廢  
帝弟晉安王子勛安都與沈文秀崔道固常珍奇等舉兵應之  
明帝遣將張永等討安都安都遣使來降請兵救援帝召群臣  
議之群官咸曰昔世祖常有并儀隆之心

臣欽若等曰世祖大祖謚義隆宋文帝召

故親御六軍遠臨江浦今江南阻亂內外離心安都今者求降  
千載一會機事難遇時不可逢取亂侮亡於是乎在帝納之安  
都又遣弟四子道次為質并與李敷等書給繹相繼乃遣尉元  
等率騎一萬赴之拜安都使持節散騎常侍都督徐南北兗州  
青冀五州豫州之梁即諸軍事鎮南大將軍徐州刺史賜爵江

東公勅安都之子散騎常侍駙馬都尉拔詣彭城勞迎除拔寇  
軍將軍南豫州刺史

十一月宋兗州刺史畢眾敬遣使內屬

皇興元年閏正月宋青州刺史沈文秀冀州刺史崔道固並遣  
使請舉州內屬詔平都將軍長孫陵南平將軍侯窮竒赴拔之  
二年二月鎮東大將軍尉元討徐州羣盜平之宋冠軍將軍東  
徐州刺史張儼順於元元亦表授冠軍東徐州刺史遣中書侍  
郎高閭與儼對為刺史

是年薛安都與畢眾敬朝于京師大見禮重子姪羣從並處上  
客皆封侯至于門生無不收叙焉又為起弟宅館宇崇麗資給  
甚厚安都從祖弟真度初與安南奔及安都為徐州真度為長

史頗有勇幹為其牙爪從安都來降為上客敬弟眾愛眾通兄  
歸國以勲為第一客賜鉅平侯眾敬子為賓爵涇昌侯加平遠  
將軍是特清河司馬房法壽與弟從并州刺史崇吉及冀州刺  
史崔道固兗州刺史劉休賓俱至京師以法壽為上客崇吉為  
次客崔劉為下客法壽供給亞於薛安都等以功賜爵莊武侯  
加平遠將軍給以田宅奴婢

孝文泰和十七年齊尚書左僕射王奐子肅以其父及兄弟俱  
為齊武所殺乃自建業來奔帝虐待之除輔國將軍長史賜爵  
閔陽伯肅固辭伯爵許之

十八年十月詔曰北門緣邊之蠻多有竊掠致有父子乖離室  
家分絕既虧和氣有傷仁厚方一區宇予育萬姓若苟如此南

人豈知朝德哉可詔荆郢東荆三州勒勅蠻民勿有侵暴  
十九年二月車駕至鍾離軍士擒齊卒三千帝曰在君為君其  
民何罪於是免歸是年拜光城蠻酋田益負外散騎常都督光  
城弋陽汝南新蔡宋安五都諸軍事冠軍將軍南司州刺史光  
城縣開國伯食蠻邑一千戶以益宗十七年自齊歸款故也  
二十二年南討既克宛外城命舍人公孫延景宣詔于南陽太  
守房伯玉曰天無二日土無兩主是以躬摠六師蕩一四海宛  
城小戍豈足以禦抗王威深可三思封侯胙土事在俯仰伯玉  
對曰外臣最荷國恩忝任疆境為臣之道未敢聽命伏惟遊蠻  
遠涉願不損神又遣使謂曰朕親率麾旆遠涉清江比之小戍  
豈是徘徊王師但戎路所經纖介須殄宜量力三思自求多福  
且蒙蕭願殊常之眷曾不懷恩報以塵露蕭寫妄言入維道成  
願子了無子遺卿不能建忠於前君方立節於逆豎卿之罪一  
又頃年傷我偏師卿之罪二今塞旆親戍清一南服不先面縛  
侍罪麾下卿之罪三卿之此戍多則一年中則百日少則二旬  
尅殄豈遠宜善思之後悔無及伯玉對曰昔蒙武帝愷悌之恩  
忝侍左右此之厚遇無忘夙夜但維主失德民望有歸主上龍  
飛踐極光紹太宗非直副億兆之深望寔兼武皇之遺勅是以  
慙慙懇懇不敢失墜往者北師深入寇擾邊民輒勵將士以救  
蒼生此乃邊戍常事陛下不得垂責乃尅宛伯玉面縛而降帝  
引見伯玉并其參佐二百人特宥之時伯玉從祖弟三益南陽  
內附孝交與語善之曰三益殊不惡拜員外散騎常侍郎

新刊監本冊府元龜卷之一百六十三

新刊監本冊府元龜一百六十四

帝王部 一百六十四

招懷第二

後魏宣武景明元年正月齊豫州刺史裴叔業遣子芬之及兄  
 女夫常伯昕奉表以壽春內附驃騎大將彭城王勰車騎將軍  
 王肅率步騎十萬赴之詔曰叔業明敏秀發英穎早悟馳表送  
 誠忠高振古褒授以彰先舉可使持節散騎常侍都督豫州雍  
 兗徐司五州諸軍事征南將軍豫州刺史封蘭陵郡開國公食  
 邑三千戶又賜叔業璽書曰前後使反有勅想卿具一二寶卷  
 昏枉日月滋甚霄徧宰輔暴加戚屬淫刑既逞朝子遺國有解  
 之刑家無自安之計卿兼滋智勇深嘉乃勲前即勅豫州緣邊

諸鎮兵馬行往赴援揚大眼奚康生鐵騎五千里言即路彭城  
王勰尚令肅精卒十萬駱驛繼發將以長駟淮海電擊衡巫卿  
其并心戮力同斯大舉殊勲戎績職爾之由崇名厚扶非卿孰  
賞并有勅與州佐使及彼土人士其有微功片効必加褒異軍  
未度淮叔業病卒芬之以父勲授通直散騎常侍上蔡縣開國  
伯食邑七百戶叔業瓜牙心督所寄者裴智并授中即將封浚  
儀縣王昊左軍將軍封汝陰縣趙革左中即將封西宋縣叔業  
姻婭柳玄達輔國將軍封南頓縣女夫常伯昕封雲陵縣並開  
國男食邑二百戶玄達頗涉經史初仕齊歷諸王參軍叔業之  
鎮壽春委以管記及叔業之被猜疑將謀獻  
款玄達成其計前後表啓皆玄達之辭  
伯昕叔業以其有大志故遣送子芳之為質李道真右軍將軍  
陽縣開國子食邑五百戶故文盛右軍將軍封剛陵縣魏承祖

右軍將軍封平春縣並開國子各食邑三百戶以叔業司馬帶  
汝陰太守李元護為輔國將軍齊州刺史廣饒縣伯食邑一千  
戶便道赴職初叔業歸順元護贊同其謀及叔業疾病外丙阻  
貳元護督率上下以俟援軍壽春尅定元護頗有力焉又以陳  
郡太守尹挺為輔國將軍南司州刺史譙郡太守楊令空為輔  
國將軍南兖州刺史皆以參叔業歸城之謀也

三年三月南齊鄱陽王肅寶寅以梁高祖既克建業殺其兄弟  
將害寶寅來奔壽春四月以寶寅為鎮東將軍東陽州刺史封  
齊王閏三月詔曰寶寅深識機運歸誠有道冒險履北投命降  
闕微子陳韓亦曷以過也可遣羽林監領主書劉桃符詣彼迎  
接其資生所須之物及衣冠車馬在京邸館付尚書悉令豫備及

至京師禮之甚重

正始元年詔中王英所執梁冠軍將軍監司州事蔡靈恩等隨才擢叙

永平元年八月冀州京兆王愉反詔赦冀州民雜工役為元愉所誣誤者其能斬獲逆黨別加優賞

李明孝昌元年齊東昏侯寶卷子贊來奔先是梁武滅寶卷寶卷宮人吳氏始孕匿而不言梁武納之生贊以為己子封豫章王及長其母告之以實贊常有來奔之意後為南充徐二州刺史會帝遣臨淮王彧討之贊密告誠欵夜投彧軍至是留于洛陽陞見之後就館舉哀追服三載贊叔父寶寅時在關西遣使觀察聞形貌歛眉悲感朝廷賞賜豐渥禮遇隆厚授司空封高

平郡開國公丹楊王食邑七千戶是年北鎮降民二十餘萬詔

給事黃門侍郎楊昱為使分散於冀定瀛三州就食

三年刑杲反於青兗之間杲光祿大夫蘭根之甥詔蘭根銜命

慰勞

孝莊永安中宋廬江太守劉宗之子藻與娣夫李嶷俱來歸賜爵易陽子

後廢帝中興二年韓樓反於幽州樓將王懷知其無成陰結所親叛樓歸國拜征虜將軍第一領民酋長武周縣侯是時樓將薛孤延與懷等密計討樓為樓別帥乙弗醜所覺力戰破醜遂相率歸行臺劉貴表為都督加征虜將軍賜爵永固縣侯

出帝永熙三年二月梁假節豫州刺史南香三毛香舉城內附

授以持節安南將軍信州刺史義昌王  
西魏恭帝三年梁將王琳遣使來附以琳為大將軍  
後周太祖為西魏丞相敗齊神武于沙苑東魏河北郡守裴果  
率其宗黨歸闕帝嘉之賜田宅奴婢牛馬什物等  
叱列伏龜仕東魏為大都督沙苑之敗隨例來降太祖以其豪  
門解縛禮之仍以邵惠公女妻之

史寧仕東魏涼并瓜三州諸軍事遷使詣太祖請事太祖即以  
所服冠履衣被及弓箭甲稍等賜寧謂其使人曰為我謝涼州  
孤解衣以衣公推心以委公公其善始令終無功名也

賀若統初為東魏潁州長史大統二年執刺史田迅以州降至  
長安太祖謂統曰卿以潁州從我何日能忘即拜右衛將軍散  
騎常侍兗州刺史

高賓初仕東魏為立義都督同烈有忌其能者譖之於齊神武  
賓懼及於難大統六年乃棄家屬間行歸闕太祖嘉之授安東  
將軍

楊乾運仕梁為車將軍鎮潼州令其兄子略將二千人鎮劔閣  
又遣督樂廣鎮安州仍誡略等曰吾欲歸附闕中但未有由耳若  
有使來即宜盡禮迎接會太祖令乾運孫法洛及人牛伯友等  
至略即夜送之乾運遂令使人李若等入闕送款太祖乃密賜  
乾運遂令授持節驃騎大將軍開府儀同三司侍中梁州刺史  
安康郡公

扶猛上甲黃土人初仕梁為南洛北司二州刺史封宕渠縣男

及侯景作亂猛乃擁衆自守未有所從大統十七年大將軍王  
雄定魏興猛率其衆據險為保壁特遣使徵通饋餉而已魏廢  
帝元年魏興叛雄復率師進討猛勒兵拒戰雄擊破之猛遂以  
衆降大祖以其世據本鄉乃厚加撫納授車騎大將軍儀同三  
司加散騎常侍復爵宕渠男割二郡為羅州以猛為刺史  
任果南安人梁沙州刺史褒之子世為方隅豪族果性勇決志  
在立功魏廢帝元年率諸部來附太祖嘉其遠至侍以優禮果  
因面陳取蜀之策太祖深納之乃授使持節車騎大將軍儀同  
三司大都督散騎常侍沙州刺史後為始州刺史在任未久果請  
入謁大祖之許以其方隅首望早立忠節乃進爵樂安郡公  
席固襄陽人初仕梁為興州刺史以地來附時太祖方欲南取

江陵西定蜀漢聞固至甚禮遇之乃遣使就拜使持節驃騎太  
將軍儀同三司大都督侍中豐州刺史封新豐縣公邑二千戶  
後轉湘州刺史固以未經朝謁遂蒙榮授心不自安啓求入覲  
太祖許之及固至太祖與歡燕賜甚厚進爵靜安郡公增邑并  
前三千三百戶

蕭圓梁武陵王紀之子建號圓肅守蜀太祖師至遂降封戰城  
郡公又以圓肅有歸款之勲別賜食思君縣五百戶收其租稅  
明帝武城初南齊北豫刺史司馬消難舉州來附帝遣柱國高  
陽公達奚武與大軍楊忠率衆迎之

武帝保定三年詔曰梁汝南王蕭大封晉熙王蕭大圓等梁國  
子孫宜加優禮式賁茅土實允舊章大封可封晉陵縣公大圓

可封始寧縣公邑一千戶又加大圓車騎大將軍儀同三司并  
賜田宅奴婢牛馬粟帛等

大封大圓梁簡文子以魏恭  
帝三年歸太祖至是封焉

建德五年十二月帝伐齊丁巳次甘州齊主高緯留從兄延宗  
等守并州輕騎走新是日詔齊王公已下曰夫樹之以君司牧  
黔首蓋以除其苛慝恤其患害朕君臨萬國志清四海思濟一  
世之人寘之仁壽之城嗟彼齊趙獨為匪民乃睠東顧載深長  
想偽主涼德早聞醜聲酒色是耽盤游是悅閹豎居阿衡之任  
胡人寄唇舌之重棟梁骨鯁翦為仇讎孤趙餘緒降成皂因隸  
民不見德唯言是聞朕懷茲漏網置之度外正欲各靜封疆共  
紓民屬故也爾之主相曾不是思欲構厲階反貽其梗我之率  
土咸永傳伋惟幄猷兼弱之謀瓜牙奮干戈之勇羸糧坐甲若

赴私讎是以一鼓而定晉川再舉而摧逋醜偽丞相高阿那瓌  
驅逼餘燼竊據高壁偽定南王韓建業牧守介休規相抗擬聊  
示兵威應時奔潰那瓌則單騎宵遁建業則面縛軍前爾之逃  
卒所知見也若其懷遠以德則爾難以德綏處憐以義則爾難  
以義服且天與不取道家所忌攻昧侮亡兵之上術朕今親馭  
群雄長驅宇內六軍舒旆萬墜啓行勢興雷電爭威氣逐風雲  
齊舉王師所次已達近郊望歲之民室家相慶來蘇之后思副  
厥誠偽主若妙畫人謀深達天命牽牛道左銜壁轅門當思以  
焚擱之恩待以列侯之禮偽將相王公已下衣冠士民之族如  
有深知事宜建功立効官榮爵賞各有加隆若下愚不移守迷  
莫改則委之執憲以正刑書嗟爾庶士胡寧自棄或我之將卒

逃彼逆朝無問貴賤皆從蕩滌善求多福無貽後悔璽書所至  
咸使知聞自是齊之將帥降者相繼封其特進開府賀拔伏恩  
為部國公其餘官爵各有差又詔高緯及王公以下若釋然歸  
順咸許自新諸亡入偽朝亦從寬宥官榮次序依例無失其齊  
制偽令即宣削除鄒魯縉紳並騎士一介可稱並宜銓錄百  
年去殺雖或難希暮月有成庶幾可勉

六年正月  
齊平

陸玄齊大司空騰之子仕齊為奉朝請歷成平縣令齊平武帝  
見玄特加勞勉即拜地官府都上士  
隋高祖初為周相後梁蕭歸令鴻臚卿柳莊奉書入關時三方  
構難高祖懼歸有異志及莊還謂莊曰孤昔以開府從役江陵  
深蒙梁王殊眷令主幼時難猥蒙顧託中夜自省實懷慙懼梁

主奕葉重光委誠朝廷今已後方見松筠之節君還本國幸申  
孤此意于梁主也遂執莊手而別時梁之將軍咸潛請興師與  
尉迴等為連衡之勢進可以盡節於周氏退可以席卷山南唯  
歸疑為不可會莊至自長安具申高祖結託之意歸深以為然  
衆議遂止

唐高祖初為唐公舉義兵於太原守五原太守張長遜遣使歸  
附帝甚嘉之授光祿大夫封安化郡公及至河東縣賊帥孫華  
謁帝於汾陽具舟楫以待義師拜華為光祿大夫前軍總官既  
入關鄭縣令改雄以縣來降拜御史大夫渭北賊帥李中文遣  
使歸府拜上柱國襲父真爵為普寧郡鄉公弘農賊帥張士貴  
以所統精兵及戶口簿帳遣使送款拜右光祿大夫

義寧元年十二月河北郡守蕭瑀與梁衆令豆盧寬率郡內文武官歸國授瑀光祿大夫上柱國封宋國公食邑三千戶寬銀青光祿大夫仍遣還河北撫慰

二年四月賊帥王君廓以衆歸國拜上柱國假河內太守封常山郡公食邑二千戶尋轉遼州刺史封止谷郡王

六月隋安陽令呂珉以相州來降拜相州刺史  
七月榆林賊帥郭子和遣使來降拜為靈州總管

八月涼州賊帥李軌遣使來請降以軌為涼州總管封涼王

十月李密為王世充所敗率衆二萬來降高祖禮之常呼為帝拜為光祿鄉上柱國封刑國公

十一月隋東郡丞王軌以滑州來降滑州總管

十二月隋襄平太守鄧嵩以柳城北平郡王來降以嵩為營州

總管武德二年閏二月辛丑可達寒賊朱粲遣使請降命前御史大夫段確使於粲

王世充將李公逸來降拜上柱國杞州總管陽郡公邑二千戶公逸黃人也隋末喪亂與其族弟善行客居雍丘以義勇為人所附初歸王世充知其必敗遂遣使請降遂有是命因以雍丘置杞州

七月海岱賊帥徐圓朗以數州之地遣使請降即授兗州總管是月王世充遣其將羅士信侵穀州士信率其衆十餘人來降世充遣步騎五千躡之不及帝素聞其勇及見大悅遣使迎勞賜物五千段廩食

上音稟  
下音副

其所部烏

九月克世克將張鎮州侵南陽帝遣使者諭之仍拜鎮州為右武侯將軍是月以和州賊杜伏威為淮南道安撫大使和州總管伏威大象末越王侗以為東道大總管封楚王太宗之圍王世克遣使招之伏威請降故有是拜

三年正月黎州總管李世勣於竇建德中自拔來歸帝大喜遣使逃勞之詔授黎州總管上柱國萊國公尋加右武侯大將軍改封曹國公勣本姓徐賜姓李氏賜良田五十頃甲第一區

三月以石州賊帥劉婁真為石州總管賜姓李氏封彭山郡王四月戊午太宗封劉武周于相壁其將尉遲敬德與宋金剛來拒王師敬德屯介休帝擊金剛大破之追奔至於介休乃遣文士及任城王道宗等往諭敬德遂舉城來降太宗大悅賜以

### 曲宴授秦府統軍

六月以和州總管淮南道安撫大使杜伏威為總管江淮以南州諸軍事揚州刺史東南道行臺上書令上柱國封吳王食邑五百戶賜姓李氏附屬籍

七月王世克右建威將軍田世開來降帝喜之待遇甚厚

九月甲午王世克將張鎮州來降拜左衛將軍封黃國公食邑三千戶

戊申高開道遣使來降乃下詔曰褒德叙功有國尋訊任賢賞善列代通規偽燕王高開道家本海隅志懷慷慨有隋之末州域彫殘招集徒族自保邊塞繕脩斥侯捍禦寇戎民吏肅清倉庫完實既而審達機變遠慕朝風闔境獻誠歸款內屬清忠經

略輯寧燕代厥功以茂宣從褒寵禮命之善用超常級可使持  
節蔚州諸軍事蔚州總管加授上柱國賜姓李氏上籍宗正封  
北平郡王食邑五千戶  
四年正月竇建德行臺尚書令胡大恩以大安鎮來降詔曰壽  
膺旌喜括王彝訊任賢使能有國通典胡大恩往因隋李夷狄  
交侵繕申聚徒輯寧邊境既而阻隔戎寇自保方隅遠慕朝風  
因機立效摧破凶黨亭微無虞抗疏闕庭以申誠節忠義克  
與宜隆寵命因其所統即加榮扶可使持節代州諸軍事代州  
總管加授上柱國封定襄郡王食邑五千戶賜姓李氏上屬籍

宗正

五月周法明以鄭春等四之地歸國拜黃州刺史封譙郡公

初法

明依李密密  
敗由是來降

是月竇建德所署右僕射裴矩將建德之妻及傅國等璽來降  
封矩安縣公

六月海州賊臧君相以五州來降拜海州總管

八月詔曰三楚之地江山遐阻五嶺之表經塗遼曼自有隋失  
馭盜賊交侵聲教莫通方隅北絕朕受圖膺運君臨區宇率土  
之墳情均撫字方今函夏寧乂文軌大同尉候無虞要荒率職  
然而江蟲之派咸阻寇戎閩禺之鄉未聞正朔左武侯將軍黃  
國公張鎮州大將軍合浦縣公張知略二方首族早從歷任思  
辰誠效緝寧州里鎮州可淮南道行軍總管智略可嶺南道行  
軍總管以安撫之

九月甲子偽吳王汪華以黠歙五州之地來降華隋大盜汪寶  
權之族子也大業末為山賊有兵一萬至是拜歙州總管封越  
國公丁卯文登賊師淳于難率衆來降以其地為登州拜難為  
登州刺史上柱國封萊國公食邑三百戶  
十一月遣安撫大使李靖徇嶺南諸州皆下之詔襄州道行臺  
兵部尚書劉瞻綏集嶺南

五年二月江南賊帥張善安以處吉等五州之地來降拜洪州  
總管邳國公

四月隋鴻臚卿寧長真以寧越鬱林之地來降以長真為總管  
長真世為渠帥其父猛力陳末為大守陳亡猛力自云與叔寶  
同日生當為天子不肯入朝隋帥討之阻障不能尅猛力卒以  
長真為刺史隋師之討林邑也長真功畢後構部落得數千人  
從征遼左煬帝嘉之拜鴻臚卿大業十年遣還嶺表為安撫大  
使遇隋亡以其地歸於蕭銑師五越之衆功立和於交趾至是  
來降交受之道自此始通也

五月隋日南大守李暎遣使請降以暎為南德州總管

是年七月丁酉隋漢陽太守馮益以越南之衆來降高祖以其  
地為高羅等八州仍授益高州總管累封國公拜其子智載春  
州刺史智或東合州刺史尋徒封益耿國公益北燕人也初馮  
弘投高麗遣其子業以三百人浮海歸宋遇弘為魏所滅業留  
居番禺之新會其孫融梁初仕羅州刺史其子寶娶越女沈氏  
為妻因為南越首領自融至益代為牧守隋末高涼通守沈寶

輒反益擊破之因北吞廣州西并倉梧南牧朱雀之地自稱總管至是來降嶺表悉定矣

郭孝恪隋末率鄉曲數百人附李密因與李勣守黎揚密敗勣令

孝恪入朝送疑高祖授上柱國封陽雀郡公宋州刺史令

揚恭仁大業末為宇文化其所署吏部尚書隨至河北為化及守魏縣時元寶藏據有魏郡會行人魏徵說下寶藏執恭仁送

于京師高祖甚禮遇之拜黃門侍郎封觀國公

李襲志隋末封始安郡公守本郡經二年而無援卒為蕭銑所

陷銑署為工部尚書檢校桂州總管武德初高祖遣其子玄嗣

賁書召之襲志乃密說嶺南首領隨永平郡守李光度與之歸

國高祖又命間使齎書諭襲志曰卿昔久在桂州仍屬隨室運

終四方圯絕率衆保境未知所統朕撫臨天下志在綏育眷彼

幽遐恩沾聲教况卿朕之宗姓性異千常一家弟姪並立誠效

公又分遣首領申諭諸州情深奉國甚副所望卿之子弟並據

州縣俱展誠績每所嘉歎不能已矣今並入屬籍著于宗正張

長遜仕隋為五原太守天下大亂遂附於突厥與謨賀出設結

為兄以自固突厥號長遜為部利特勤及義兵起遣使歸附高

祖甚嘉之授左光祿大夫封安化郡公

李藝隋末為幽州總管聞高祖踐阼藝謂官屬曰建德開道皆劇賊耳宇文化及殺逆無道吾皆不能從之唐公起兵事符衆望入據關右自古必成吾率衆歸之意已決矣會唐使張何傳檄至勸藝奉表歸國於是璽書封王賜信李氏

席辨字令言隋末寓居東郡及王充偕蹕署辨為左龍驤將軍辨私謂偽將楊虔安李君義等曰充雖據有洛陽無人君之量大唐已定關中即真主也及共虔安君義等遣使人京密申忠款高祖歆發兵攻洛陽潛令以書召辨奉書即帥兵部入京

李育德趙郡人也祖諤隋通州刺史寓居武陟隋末亂及繕修器械因古城以自保遠近多附之王德仁等攻之皆不能克后聞

隋滅於河內郡掾抑河陽郡尉獨孤武都同降李密以育德為總管及密為世充所破育德以城歸國拜陟刺史

盧祖尚少以俠氣聞為州里所歸屬宇文化及之亂遂舉兵據郡國自稱刺史尋附東都越王侗署為光州總管沈國公后遇世充篡位遂與之絕遣使歸國因復其本任封戈陽郡公

田留安初為王世充征南將軍大被恩遇然陰謂所親曰吾嘗聞李氏當王天下今長安威德日隆天人所尚吾知歸矣遂率所部二千人來降高祖大悅拜上柱國雲麾將軍封懷化郡公賜物七百段太宗在藩引為右四統軍從擊宋金剛徐圓郎皆有戰功太宗貞觀元年五月乙丑常安賊帥苑君璋以衆來降拜隰州都督君璋初為劉武周復心武周又歸突利可汗后見

頡利政亂異屢起知其必敗乃率所部來降頡利遣兵追躡  
逆擊走之至大州遣子孝政先入朝以是拜為都督封國公邑  
三千戶賜帛四十疋

十月以嶺南首領馮盎談殿等尚阻兵更相侵掠時議者多請  
發兵擊之帝不許因遣員外散騎侍郎李公掩持節宣諭之使  
者所至之處溪洞首領皆來聽命南方西定盎遣子知載奉表  
入朝帝嘉其誠款賜累至拜衛尉少卿

九年十二月吐谷渾王慕容順為其下所殺國中大亂乃下詔曰  
近以吐谷渾恃其遐阻屢擾疆場肆行凶害種類乖離奚命將  
士申茲弗代有征無戰所尚摧殄渠魁竄迹自貽滅亡朝威遠  
暢邊亭靜謐朕君臨寰宇志在含弘不欲因彼危亂絕其宗

祀乃立偽主之子大寧王慕容順撫招餘燼守其舊業而順曾  
不感恩遽懷二志種落之內人畜怨憤遂創大義即加勦絕雖  
傷摧立其子所部又致擾亂競動干戈各行所欲朕憂勞兆庶  
無隔夷夏迺捲迺顧良用矜惕若不星言拯救便恐塗炭未已  
兵部尚書潞國公侯君集等才兼文武寄深內外嘉謀著於廟  
堂茂績書於王府必能宣風闡外克定遐方可量其事機綏撫  
經略分遣使人明加曉諭如有不遵朝旨敢與相拒即合精銳  
隨便翦撲盡威懷之道稱朕意焉

十六年正月乙丑遣使往州撫慰其舊首望有景行淳直者量  
擬騎都尉以下官奏聞百姓疾患賜醫藥老病惇獨糧食乏絕  
者咸加賑給

十九年六月代遼東命諸將攻白崑城臨其西北主孫伐音請降遂受降帝以白崑城為崑州以孫代音為中大夫守崑州刺史上輕車都尉賜帛二百疋馬一匹衣襲金帶一條同謀而降者並賜戎秩及諸衣物焉

肅宗至德元年七月甲子即位於靈武敕書應逆賊李林甫王鉞楊國忠近親合累者不在免限百姓官吏能率親屬去逆歸順有官加其優獎斬得逆賊父子不問首從當錫第土別有褒崇

二年十二月安祿山偽范陽節度使思遣使以兵八萬上表求降嘉之授御史大夫兼范陽節度使令便便統所部以討殘寇三年正月庚子滄州刺史烏知洽延王傳樊澄並背逆歸順知

洽為洛州刺史澄為涼王傳

二月癸卯偽淄青節度大常卿兼御史大夫能元皓及子偽太子家令昱皆逆歸順有詔嘉其忠義以元皓為銀青光祿大夫鴻臚卿攝御史大夫充河北招討使子昱朝散子夫守太僕少

卿

乾元元年二月丁巳逆賊軍將幽州節度副使特進獻誠王阿史那承慶特進左衛大將軍安守忠左羽林大將軍順化王阿郡史從禮蔡希德李庭訥符敬等使人齎表狀歸順詔曰承慶可太保封定襄王守忠可左羽林大將軍封歸德郡王從禮可太傅封歸義郡王希德可德州刺史庭訥可邢州刺史敬可洛州刺史

十月甲辰帝御宣政殿毋成王為皇太子詔大赦天下今餘寇  
朱殄有脅在賊中未歸順者一切不以為罪其受賊節制能以  
兵降者酬其封爵

二年五月丁卯河北破賊生擒賊八人未獻帝並釋之各賜乾  
元錢十千文及器仗一副馬一匹絹一束並放歸賊中勅之曰  
任汝所適八人皆自刺臂為盟約誓梟賊首以報聖恩

九月史思明寇陷洛陽叔冀守汴州戰不勝與董秦降思明十  
一月甲子以開府儀同三司兼殿中監董秦封隴西郡開國公  
食邑三千戶仍賜姓李氏改名忠臣為秦陷賊歸順故寵之也  
十月賊臣高庭暉投降自五臺府果毅拜特進兼右武衛大將  
軍李日越投降授特進兼右金吾衛大將軍員外置同正

上元二年正月詔曰比緣寇盜之內干戈脅從白刃臨頸胡寧  
忍決所以陷於兇黨苟免者多前後詔書頗已談及史思明將  
士及偽署官屬等有能束身歸順并率眾來降官爵如初一無所  
問以城邑降者乃別加封爵餘凶黨之流亦同此例天寶臨照  
朕無食言

五月甲午逆賊史朝義下偽滑州使刺史兼鄭汴等節度使令  
孤彰斬逆賊大將軍二人并破杏園渡口賊二千餘眾以滑州  
歸順帝嘉之拜滑州刺史攝御史中丞充滑邢德具相魏六州  
節度使仍嘉銀青光祿大夫

九月壬寅赦書其史朝議若能翻然改圖改逆歸順罪無所問  
加以勳封

元年建丑月賊中官游少連蘇茂珍等歸降以少連為驃騎大將軍兼少府監員外置同正員仍臨洛縣公茂珍為左金吾大將軍員外置同正員仍封扶風縣子

代宗寶應元年八月劔南狂賊除知道麾下將李忠勇殺知道以降劔南州縣盡平帝以忠勇為獨州刺史封臨晉郡王賞功也

十月東郡平史朝義逃奔汴州賊將張獻誠不納舉所統兵歸國詔拜汴州刺史充汴宋節度

十一月元帥雍王上言偽鎮州節度使張忠志以趙定深鎮易五州歸順拜忠志檢校禮部尚書兼常州刺史充武德軍節度使賜李名寶臣

廣德二年二月南郊大赦天下所有諸色結聚及羗渾党項等能悔過自陳各歸生業一切並捨其罪其中有能率先來者仍特加官賞

六月癸未詔曰佐命大臣自天所授納于將相委以腹心休戚實同始終無易太保兼中書令靈州大都督府長軍于鎮史北副大都護充朔方節度關內支度營田盟池押諸藩部落副大使知節度事六城水運使兼河中副元帥上柱國大寧郡王懷恩朕之元輔上帝資予道備五才能包三傑長策制敵精誠感神夙奉先朝志平多難援旗朔野扈蹕岐山前驅啟行所指皆克收關河之襟帶復都邑之衣冠以義斷恩毀家殉國躬振甲冑駟馳十年遇戰則酣逢聖則跪總統戎族通和夷狄決策東

向穢厥渠魁掃清妖氣芟雜通梗海隅萬里一與蕩平遂欲息  
馬授戈坐而論道當朝大政並以咨之聽廣載之歌為千古之  
式移軍汾上方欲凱旋疑隙之端構於群小浮言初起且以強  
大自嫌邪說交生或謂功高不賞以茲淹恤因有沉積撫之若  
驚諭之未解朕以白曰精信明神鑒心若有負功臣是大欺天  
下為人君者豈有此乎尋聞衆族而謀知欲盡請入覲其子猶  
懷反側有遷延少年輕挑操履非正私庭跋扈違背君親朔方  
義師心如父子怒其懷貳遂共梟懸凶子既誅大軍方擾蒼黃  
奔竄遠在邊州察其深衷本無他志蓋緣憂懼遂及於斯眷  
念之下無亡鑒窾况勲書盟府像列雲臺錄功念勞豈以小而  
累大君臣之義情實如初厚祿榮班固宜仍舊以河北諸將自

竭忠誠朔方三軍已有管屬不可更置統領復為節制其先任  
靈州都督府長史單于鎮北副大都護及河北副元帥朔方歸  
度等使宜並停其大保兼中書令上柱國大寧郡王並如故但  
當詣闕更復何疑再三言提庶早牽復欲令方寸懸示萬邦爾  
無我虞勝言不再久勞于外終必無成收之桑榆殊未為晚耳  
言之誘王者不為危而悔之將何及矣切令宣示遠副勝懷  
大曆七年五月制巴南諸州仍歲水旱迫於凍餒或至流離因  
有剽掠苟全性命懼刑網之所及姑嘯聚以相依抑有由焉蓋  
非已獲永言其弊用軫于懷如能相率來歸各安生業並無所  
問咸許自新宣示中外咸使知悉

十一月詔如聞巴南道州自年以來其有結聚或攻陷城邑者

申明朝旨曉諭令歸各許自新一切不問庶亦有材叙用奴婢  
誠動各復其居勉從所務展歲時伏臘之祀洽宗黨鄰里之懽  
人之常情當所思慕必在長吏敦率設法安存勸其農耕恤其  
疾苦如刺史縣令有能政字人民使流亡還戶口歲益宜委勸  
察使錄狀奏聞當別加超獎宣示士庶令知朕意  
十一年九月以汴宋節度兵馬使攝節度副使開府儀同三司  
鴻臚卿兼御史中丞上柱國肅國公李僧惠為宋州刺史充本  
州團練守足使仍封合州郡王食邑三千戶以大中大夫檢校  
尚書兵部員外郎兼侍御史賜紫金魚袋高憑為曹州刺史充  
本州刺史充本州鎮遏使仍封交郡王食邑三千戶李靈耀之  
叛也僧惠之謀主至是相率歸順故有是命

新刊監本冊府元龜卷之一百陸十五

帝王部 一百六十五

招懷第三

唐德宗建中初原州別駕劉文嘉閉城拒守帝命朱泚等攻之  
城中將士當受春服賜予如故

二年十月徐州刺史李洧并淄青李納以其州來降加御史大  
夫食實封二百戶仍充招討使

十二月以淄青李納之降將攝密州刺史馬萬通為密州刺史  
兼御史中丞

三月正月魏博田悅將任履虛偽以衛州降便授衛州刺史兼  
御史中丞河陽節度行軍司馬

二月以田悅降將博州刺史兼御史中丞李再春檢校右常侍兼本官賜實封一百戶魏博招討副使初再春子瑤為田悅裨將悅敗於洹水瑤自魏州出降馬燧再春因以其州降遷瑤銀青光祿大夫試太常卿兼侍御史

三月田悅將攝洛州刺史田昂以州降授檢校右常侍兼洛州刺史御史中丞實封一百戶

四月李納將攝德州刺史李士真攝隸州刺史李長卿皆以州降因授士真兼御史中丞德州刺史長卿檢校秘書監兼為隸州刺史各實封一百戶

是月宣武軍節度使劉洽攻李納之濮陽降其守將高彥昭平恩郡王賜封五千戶

七月以盧龍軍節度掌書記檢校詞部員外郎鄭雲達為諫議大夫雲以朱滔反因出軍乃趨歸京師帝加其來超拜之而留於客省

興元元年二月鎮州王武俊集三軍削為號詔國子祭酒兼御史大夫董晉中使王進傑自行在往鎮州宣命授武俊檢校兵部尚書成德軍節度使三月加司空同平章事兼幽州盧龍兩道節度使時朱滔連結迴紇奚契丹阻絕王命武俊既首唱歸順帝嘉之故擢拜宰相并授幽州武俊遂悉師攻滔竟殲劔馬

五月庚寅詔贈故平盧軍淄青節度使司空平章事饒陽郡王李正己為大尉自正己卒其子納即阻兵構逆故追贈不及焉至是歸順故有斯命

七月庚辰詔曰李懷光往因職任頗著幹能朕嗣位之初首加  
拔擢訖為心膂授以旌旄頃歲河朔不寧令往征討任兼將相  
思及寵榮及朱泚猖狂誘姦作亂擾動京邑逼迫奉天懷光率  
領全軍奔赴國難克逆逃遁宗社再寧保安朕躬實有所賴委  
元帥河中府之權兼太尉中書令之秩廣增真實賞及宗親人  
臣之盛莫與為比豈朕於懷光不盡豈朕報懷光不崇京邑未  
收讎置已構被朱泚潛使姦人說誘又受張佖音等感亂之辭  
曾不覺知自生疑阻遂與元惡通和往來朕志在推誠事皆掩  
覆禮遇轉厚委任轉深都不俊心凶惡日甚勅書慰問將士懷  
光並不令宣三軍咸欲收城懷光並不令出自云已共朱泚定  
約不能更事國家兼朱泚所遣來人令見宣慰勅使公言追脅

無復君臣朕以眇身獲承鴻業務全大人遷幸山南蒼黃之間  
備歷危險賴朔方等軍將士保守忠義恥陷惡名不謀同辭誓  
守臣節懷光知將士之意不可改移徑往河中偷安朝夕據有  
罪迹情實難原然以奉天解危嘗署勲烈昨文遣男瑋音等謝  
罪懇請束身歸朝朕憫其改過之誠念其赴難之効以功贖罪  
務在優容令給事中兼御史大夫孔巢父齋旨授懷光太子大  
保勅牒河中宣慰紇三口內便與懷光同都上都所在保護不  
得邀載驚動遠者按以軍令仍許懷光將百人已下隨身防護  
如卻使令家口同行亦聽懷光若致闕庭必保全終始厚恩寵  
待之初仍賜實封五百户子孫承襲代代無絕信如暎日朕不  
食言朔方軍素推忠義國家每有危難未嘗不立大功子儀兩

收京城皆是此軍之力昨又遠從河北來赴奉天逆賊畏威望  
風奔遁眷言殊續朕豈暫忘其事將士各竭忠志外心戮力橫  
遭迫脅無路自申每一念之痛心自咎比者君臣阻隔只為懷  
光一人今懷光自請入朝猶捨其罪况諸將蓋是功臣各宜坦  
然更勿憂慮所有官爵實封並賜名定難功臣一切如故仍准  
元勅超五資與改轉悉使聞知

九月詔曰朱滔受任蕭門累著誠績委遇既重祿秩亦崇臣節  
中虧自貽伊阻泊賊泚構逆僭竊上京弟兄之親在法無捨朕  
以罪不相及情有可原待以如初之誠廣其自新之路執迷不  
復固敗是求蹙喪而歸既困方悟累獻疑疏深陳懇誠省之測  
然良用憫嘆雖將相嫉惡之志固所難容以居上懷柔之情未

忍拒絕且善莫大於改過德莫盛於好生宜委武俊抱真開示  
大信深加曉諭若誠心益固名跡先彰朕當掩襲錄誠與之昭  
雪宣告衆庶咸使聞知

十月李希烈偽署滑州節度李澄以所部歸順授澄檢校兵部  
尚書汴滑節度使次封月武威郡王賜實封五百戶

是月詔朔及諸軍在河中降州朝邑將士等危難已來常濟國  
難去歲朕在奉天克黨攻逼解圍赴急少賴此軍言念勲勞情  
均骨肉濟朕危厄感之豈忘頃以懷光皆思自主猜阻熒盛將  
士汚脅忠良朕頻降詔書皆被懷光隱匿朕之誠素竟未敷揚  
今時屬嚴凝例頒衣賜豈以懷光一人拒命遂令衆不霑恩朕於  
於功臣義存終始其朔方將士等今年春冬衣并賞錢宜令所

司別收佇待道路通流當時支遣如有歸順者續到續給其大  
將先有實封並准元勅配州給牒委馬燧渾城遂便分付令其  
差人請受仍明宣諭令悉朕懷懷光擁逼朔方及諸軍將士據  
河中同絳等州凡數萬衆度支奏懷光下將既同叛逆請除其  
冬衣不給帝謂之曰懷光一人反叛朔方將士累代忠義何罪  
而不終故有此命

閏十月詔曰朕臨御萬方失於君道兵革不息于今五年憫衆  
庶之勞悔征伐之事而希烈蔑義棄德反天聖人朕哀彼生靈  
陷于塗炭苟存一物不難屈身故於首春時佈新令赦其殊死  
待以初誠使臣統及郊畿巨滑已間於僭竊酷烈茲甚吞噬無  
厭將相大臣咸懷憤激繼陳章疏固請討除朕所行天誅本去

人害兵戈既接玉石難分言念良臣遭羅脅制雖卻改節厥路  
無由乃受汚終身銜冤沒代淪胥以誠逞足痛傷豈孽自一夫  
而毒流百姓為人父母能不慙懷且令諸節度使將欲進軍先  
加曉諭王師致討唯在元兇所有脅從一切勿問如能去逆効  
順因事建功明設科條以示褒勸

貞元元年三月己未以光州固始縣令孫液為鄭州刺史兼御  
史中丞始液因官陷賊李希烈寇沒汴州迺迫武牢盡為所制  
託液心腹授偏師鎮鄭州希烈敗退保蔡州液以州來歸

四月詔朔方及諸軍應在河中將士頃赴奉天濟朕危難皆是  
功臣懷光脅其妻孥脫身無路朕屬者下詔招諭官爵實封一  
切如舊雖獲於陣上亦無所傷嗷然此心無負忠義今馬燧渾

瑊并諸軍勝捷相繼河中將校歸降頗衆皆奉國捐家足以見軍士之十興言感嘆宜加優撫宜以馬燧渾瑊充招撫使棄逆歸順一切不問歸順將士仍別建營惺優給任用各盡其才所在誘諭務稱朕意

八月李懷光平詔曰國家多難二紀于茲朕嗣位七年連兵五載追惟往事悔恨盈懷今二孽繼誅諸方撫定哀彼淮右獨為匪人其帥不龔其衆何罪諸道應與淮西連接宜各守封境非被侵軼不須進討仍委所在長吏明加招諭宣布朕懷李希烈若能歸降待之以不死其餘將士官吏百姓等一切洗滌與之更新期示庶邦自求多福無有遠邇咸使聞知

二月二月詔李希烈負恩作亂劫脅平人朕念生靈無辜務欲息兵捨罪累行赦令皆許自新言必再三事出誠素比朕舍垢忍恥屈法為入之心天下所明知也希烈又固執克圖駭脅將士違我詔命犯我軍兵今月三日遣偽署申隨唐鄧四州都知兵馬使杜文朝率馬步五千人入襄州北界山南東道節度使樊擇勤兵馬與戰大破其徒斬級生擒盪除略盡於陣上生擒杜文朝及大將馬坦然等此皆朕德不昭感教未敷行致使平人脅徒逆命其帥有罪其人何辜朕所以省表悼心感事增嘆猶冀改可尚可息兵稱明屈已之心式洽好生之義其陣上生擒將士馬坦然等七百九十人宜令樊澤給衣服糧食並却放還并寫前後赦文勅命宣示淮寧將士等有能向化者准赦令一切不問官爵初其傷痍未勝致者並委醫療令其得所其陣

上所殺人宜差所由寔於側近埋瘞兼立牌記無使瀑露鬱吾  
春其杜文朝身領全軍事得由已不能歸順力屈就擒得到日  
當有處分

七月以許州鎮遏使李光暉為許州刺史隨州鎮遏使李惠登  
為隨州刺史褒歸順也

十年七月昭義行軍司馬元誼據洺州以謀亂誼之弟諒時為  
兵部員外郎素服待罪闕下帝令復職且遣諒以書諭誼馬州  
鎮易使夏侯沼為光州刺史隨州鎮遏使李惠登為隨州

十一年九月昭義軍節度掌書記諷秘書郎盧頊為洛州別駕  
知州事賜緋魚袋賞有功也時元誼據洺州頊自於節度王處  
休請入城說下之頊見誼為陳利害誼請隨頊歸朝故頊不次

授官誼亦不赴京師

憲宗元和元年正月命高崇文討劉闢三月丙子山南西道節  
度使嚴礪收梓州破賊千餘人丁丑制曰朕聞皇祖玄元之誠

曰兵者凶器也不得已而用之恭惟聖謨常所祗服故雖文告  
有所不至誠信有所未孚始務安人必能忍恥朕之此志亦可

明徵追昔德宗皇帝舉柔服之規受宰衡之任弘我廟勝遂康  
已庸故得南詔入貢西夷寢患成績如究元臣喪亡劉闢來此  
变故坐邀符節朕以枉成命者雖幸於禮體從權便者所冀於  
輯寧竟違卿士之謨遂有僥求之志朕之於闢恩亦弘矣曾不

知牛羊之力飽則逾克畜梟獍之心馴之益悖誑惑亡伍圍逼  
梓州誘陷戎臣塞絕劔路師徒所至撓掠無遺千紀之辜擢髮

難數朕為人司牧育被黎元如闢之罪非朕敢捨是用叶羣帥  
之謀除百姓之害永清祆孽底定一方伐罪吊人於是乎在其  
逆賊劉闢在身官爵宜並削除今王師鼓行尋濟天險梓潼城  
守已解攻圍壓邪注熒坐看撲滅其西川將士如有乘此聲勢  
翻然改圖梟斬兇魁以効誠節者必當特加爵秩高祖重賞朕  
無愛焉其餘將吏等但能去逆効順以所領歸降者超三資授  
官以一身降者亦與改轉長行官健歸順者並與叙錄仍加賞  
給其西川管內刺史等當其阻亂孰克靜柯雖章表未通而衆  
誠可見能歸款亦仍舊職如或乘機立効因事建功並特加酬  
賞務極優厚夫皇王之道吊伐所加我在除殘情非樂戰故脅  
從罔理必戒於徂征焚溺是哀俾興於後怨禁暴止亂其在茲  
乎况有迹陷堯徒心罪黨惡歸我無路遂至淪胥言念斯流尤  
深軫惻所以明諭將帥罪止渠魁其餘染污一切不問布告遐  
邇宜悉朕懷

九月以西川降將文悅為戎州刺史仇良輔為簡州刺史

二年十月潤州將張子良等既擒逆賊李錡制曰浙西管內官  
吏及職長人若僭迫脅駭使者但請非同惡一切不問

三年六月癸亥以邕管將黃少卿為歸順州刺史弟少高小温  
並授官少卿西原蠻首也貞元中屢為邊寇至是相率歸款

四年鎮州王承宗拒命以護軍中尉吐突承璀將兵討之詔曰  
自古哲王之有天下者懲其暴亂則法所宜加察其情狀則罪  
有不及况故太尉兼中書令武俊忠扶邦國節著艱難覽視冊

書相見風槩而承宗毀棄門戶違悖君親遽肆姦兇自貽討伐  
樂盈千紀寧忘武子之勲蕭延紹封無廢鄮侯之嗣矧忠而見  
節禮以議親宜降深恩庶行中典載明樵採之禁蕪茂歸降之  
制好生之德俾俠人心止殺之源用孚朕志其王士平士則並  
宜各守舊官其武俊實封仍特賜士則承襲鎮州大將昔著茂  
勲言念其勞每用增嘆其有食實封者並宜依舊不須停給如  
領兵軍將以所領歸降者超二資與官賜實封二百戶仍賞錢  
一萬貫文其武俊士負松楸墳墓行營諸軍並不得輒有毀伐  
除暴勝殘事非獲已布德施惠仁豈遠乎用彰吊伐之師式示  
皇之道宣布內外宜悉衆懷

十一月丁未詔鎮冀管內諸州百姓等莫非王人皆同赤子蓋  
戀生業迨迫克威暴賦急征既嗟於無告冒鋒觸忍又慮其俱  
焚言念於茲良深憫惻其應討伐鎮州諸軍所到之處宜先存  
撫百姓使安其業勿令慮掠傷害以副朕心

八年八月丁未辰州賊帥張伯靖降於荆南九月辛亥以伯靖  
為右衛翊府中郎同正員兼歸州司馬仍委荆南節度使軍前  
驅使

九年十月甲子制曰朕嗣應寶位于茲十年每推志誠以御方  
夏庶以仁化臻於大和宵衣旰食意屬於此今淮西一道未達  
朝經擅自繼襲肆行寇掠將士等迫於受制非是本心思去三  
面之羅庶遵兩階之義宜以南山東道節度使嚴綬兼充申光  
蔡等州招撫仍與薛道衡將帥等即同糾率共中曉諭其淮西

將士官吏等如有歸國者仰量其高下便授職任仍具聞奏即超官爵縱舊有罪犯一無問吳元齊如束身歸朝亦當乘瑕錄用其百姓有歸投者仰便給糧食仍與田宅務加存恤使其安堵事平之後淮西將士宜共賜錢二百萬貫百姓給復三年詔書所不皆者嚴綬量其所宜條疏聞奏庶盡綏懷之義少申生育之恩若尚執迷不能遷善至於問罪自有常刑宜以誠懷使及知悉乙丑命內常侍知省事崔談峻都監申光蔡等州招撫使山南東道節度兵馬使仍與嚴綬及諸道計會逐便宜撫十二年二月庚申勅淮西賊中百姓窮困相率歸順其數甚多言念生人載懷哀憫必資綏撫使獲安存於許汝行營側近置行郾城委韓弘計議揀揔便處置又於唐州側近置行吳房縣

仍令本界節度觀察使擇幹事官知縣事兼量置兵馬防護使

免憂危

時行營諸軍共招得淮西百姓五千餘戶賊以西南受功者三年貯歲內竭併食共衣戰卒之外多無粒食水竭其魚鼈芟芟僅盡其走獸畜產以及草木又苦賊令令苛虐相帥而出賊亦慮素其食不復禁之

三月己巳以太僕楊元卿為蔡州刺史兼御史中丞本州團練鎮遏使詔曰淮蔡近郊遠隔皇化本穢堯嘗在拯生靈况今賊黨携離相繼効順思俾佔危之俗盡霑牧養之恩勞俸招綏今之所切其新除蔡州刺史楊元卿宜令與李愬商量計會且於唐州東界選擇要便權置行蔡州如百姓官健有歸順者便准勅優恤存撫令知國恩必使全活

四月己亥詔曰刑賞大信國令必行義勇深誠汪答斯在西文城柵歸降都立吳李琳堅拒逆之計結勤王之心翻然令圖竟

勅前欵高秩厚賜宜疇爾勞可試秘書監兼御史中丞封陽濮  
郡王賜實封二百戶賞錢萬貫仍令李想署以重職以獎忠臣  
五月辛未詔曰見機効節誠固於危途秉義懷忠福生於死地  
挈其全邑誓彼萬心事且超於等倫賞豈限於班次郟城降將  
殿中監鄧懷金自王師壓境詔命先施識祝網之深恩感投身  
之有地縲俘以列介士無諱披於堯壚造我營部聆之者响振  
慕之者風趨銷暈亂涼遵迓善氣固可勒功王府播美天衢拜  
爵當時傳封後裔可檢校太子客賓兼御史大夫封新平郡王  
并賜實封二百戶賞錢壹萬貫文安李光顏署以重職仍加銀  
青光祿大夫

十三年正月一日赦書鎮州王承宗若能束身赴闕捨而不問

仍加官爵又制曰王承宗光祖武俊有勞王家雖再駕之師每  
從人歆而十代之宥常切朕懷近以三朝稱慶八表流澤廣此  
鴻霈開其自新而承宗累能翻然改圖披露衷懇遠遣二子進  
陳表章緘圖印以上聞猷德隸之名部發困奉粟并竈貢鹽諒  
申効順之心足見納忠之志抑而不撫何以示懷其王承宗所  
有瑕釐特宜洗雪依前銀青光祿大夫檢校吏部尚書餘如故  
其管內四州百姓委承宗厚加安慰先是命尚書右丞崔從使  
鎮州使之璽書期以自新承宗素服俟罪奉表陳白帝益予之  
遂復爵命以華州刺史鄭權檢校工部尚書兼德州刺史充擴  
海軍節度德棣滄景觀察使

四月甲寅魏博遣使將擄送承宗男知感知信及其將石洸等

至臺門請罪中使宣旨令於客省安置俄有詔移館於禮賓院  
魏博監軍遣使獻王承宗德棣二州圖印兼請八管內租稅七  
月詔復王承宗實封三百戶

十二月戊寅魏博及義成軍送擒獲逆賊李師道下都知兵馬  
使夏侯澄兵馬使宋澄等四十七人並從釋次仍却適送魏博  
義成軍營委叢管駟使如緣父母猶在賊中或羸老病疾情切  
歸還者仍加優賞放去務於全貸何所疑留及澄等至行營賊  
覲知之潛相傳告猶是叛徒皆感朝恩繼有降者

十四正月淄青偽署海洲沐陽縣令兼鎮遏兵馬使梁洞以縣  
降於楚州刺史李聰詔授洞檢校殿中少監兼侍御史知沐陽  
縣事賜實封一百戶賞錢五千貫并令淮南節度使李夷簡授

之重職其縣權隸楚州加聰兼御史大夫

穆宗以元和十五年正月即位十一月癸卯制曰朕聞帝王之  
宅四海群生如天無不覆如日無不照其發號施令也如雨故  
能上符天道下感人心朕自嗣守寶圖將欲恢弘王略常懼化  
有所未至思有所不周乃矚冀方初喪戎帥念乎三軍之士洎  
乎四州之人或懷忠積誠而思用莫展或災荒兵役而望恤何  
階今則昌運一開誠節咸著王承元首陳章疏頌赴闕庭思保  
父兄之名克固君臣之義已加殊獎別委重藩又念成德軍將  
士等叶心響義丹款載申方欲効其器能各宜列於爵秩大將  
吏重歸牛元翼等已並超授榮寵今加厚賜晉示深恩兼以四  
州貧下百姓當敷賑贍之惠俾識舍育之恩宜令諫諍大夫鄭

翼往鎮州宣慰親諭朕意仍共賜錢一百萬貫以內軍及戶部  
見在匹段支送充賞給將士兼代四州貧下莊并州縣之中或  
有殘破頗甚者委田引正量便宜優卹務令存濟朕又以王澤  
所洽天網方收宥過釋寃與人休泰其管內是禁囚徒罪無輕  
重並宜赦免其大將等雖已頒賜官爵或慮有遺并判官等且  
委引正具名御聞奏如或父母在者別具上聞當加優恤當道  
從前已來官吏將校等或忠義可加而刑戮濫及如有此色亦  
條錄奏聞當加追贈如子孫見在者厚加優恤仍具聞奏四州  
之內有高年惇獨或承平遺老或都皇風或孤獨廢疾不能自  
存者差官就問量給粟帛四州之內有奉職清勤惠及百姓者  
且事跡聞奏當量加進改如有隱居山谷退在丘園行義素高  
名節可尚或才兼文武卓然可獎者具名薦聞朕以武俊之勲  
勞光于彝鼎士貞之恭恪繼被節旄承宗感恩亦克立效永言  
十代之宥俾賜一門之榮承宗兄弟並以授官爵如或未盡際  
及亦當具名聞奏其承宗葬事亦差官勾當禮物之間勿令周  
厚嗚呼錄其遺宗延乎後雖其衆善被于一方國有羨才不恡  
於恤隱朝有好爵無愛於功賞庶使八表大同五兵永戢宜示  
中外宜體朕懷

長慶元年八月鎮州監軍使宋惟澄奏七月二十八日夜符度  
使田弘正為亂兵所殺并參佐及家屬元從將吏合三百餘人  
共推都將王建湊知兵馬事下詔曰朕嘗讀二丘書至於佳兵  
者是殺人因念自孩提之逮于髫髻不三十年不能而成人豈

忍於一朝之忿驅而殺之然而田弘正以六州之衆歸於朝廷  
開先帝之雄圖河朔之舊俗除去苛暴昭宣惠和愛人如身養  
士如子拊循教訓必忠孝為先是以魏之師旣一年而知恩二  
年而知禮三年而相與讓於道矣故南征懷蔡東伐青齊北方  
趙地元勳茂績皆自魏師肆我憲宗付之心營入則輔弼出則  
藩垣推誠不疑近實無比顧朕小子獲受丕圖嗣承不遑何暇  
恢復而承元請覲冀郡釋才苟非勲賢不敢輕授是用咨我元  
奎詔於是邦而又寵諸將以懋官如三軍以厚賜復其租入惠  
彼蒸黎於此一方之人可謂無有不至而梟首未革狼顧猶存忍  
害忠良恣為殘賤臨軒震怒撫凡驚嗟天手不仁一至於此朕  
下為君父上奉祖宗毀舟楫於鯨鯢啗股肱於蛇豕尚欲因循

忍恥解俛偷安非唯傷心於田氏之子孫亦將何顏謁先帝之  
陵廟人神共憤卿士叶謀咸願誅夷用申寃痛便合興師進討  
以剪姦雄尚念一軍之中豈得無義勇蒼卒變動必非衆謀苟  
得其魁餘復何罪宜令魏博橫海昭羨河東義武軍等軍各出  
全軍以臨界首仍非書檄具諭朝旨如王庭湊能執首謀為亂  
扇動三軍者送至隣道或就州處置然後束身歸朝必當超獎  
授三品正員官并與實封五百戶其餘三軍將士一切不問并  
大將等或有能相勸諭翻然改圖者各隨事迹當加寵擢如王  
庭湊執迷不悛諸道宜便進軍以時翦滅旬不得已至於用師  
其有效忠剴直懸賞如有梟斬兇渠者先是六品已下官宜與  
三品正員官先是五下等級昇進仍與實封三百戶宅各一

區錢二萬以一州歸順者吏與當州刺史仍賜安封一百戶如  
先是本州刺史以一州歸順者超上資與官仍安實封二百戶  
一縣歸順者超兩資與官實封二百如有能率非管兵馬并以  
城鎮來降者並超三資與官賜爵實封一百戶賜錢一萬貫以  
身降者亦準則例處分其有城鎮將士百姓等守節拒賊身死  
王事各委長吏優給其家仍具事跡聞奏當加褒贈其有潛謀  
誅斬渠魁被其屠戮者宜便加追贈并賜錢帛仍與一子官諸  
軍所至不得妄加殺戮焚燒廬舍掠奪資產并有拘執以為俘  
馘其管內州縣有自置義營堡柵王師所至能相率來歸各加  
酬勞時當我候務切農切邊界之人懼廢耕織應緣軍務所須  
不得干擾百姓如安車牛大後工匠之類並宜和顧情願仍優

給賞錢賊平之後應立切將士並與超資故官節級賜物其長  
行官健歸降者亦當優賜褒賞幽陵亦擾誠謂亂常以其旁害  
賓寮毒加台鉞校其輕重示以招携尚開迷復之門用廣自新  
之路如聞賊中文牒妄作異端皆指朝廷徵兵欲戍邊塞此皆  
狂詐扇動人心况今邊上甲兵足以備禦欲令知悉故重宣用  
仍委所在節將以此告諭昔堯舜之俗比屋可封虞內之人讓  
畔可感仁義則水火可蹈忠信則蠻貊可行由是言之亦在化  
之而已建我長理何其遠哉豈朕之滿假蕙寧自醒而不可教  
也將朝之魁梧骨鯁自特而莫我念哉二者之來皆朕不敏由  
省終夕其心浩然於虜封域之中干戈作矣廊廡鐫俎無忘弭  
寧布告朕懷以頌良畫又宗初即位以故橫海印度李金略予

同捷為充海節度同捷訖以三軍乞番拒命

大和元年八月庚子詔曰王者之御天下也推其至誠格以大順臣子之奉君父也效以奔走竭其忠貞故能上下感家拜用寧其有壽土周旋于紀悖戾急奔彝典矯誣當時故入神之所以不容古今未能制者也朕菲德祇荷鴻業荒階俗于至厚之或致人於無過之地永用勞慮惻然疚懷李同捷幸席舊勳不思續緒斬馬未幾私行墨纒毒殺忠良擾威部校稽之國憲難追常刑朕以頃在先朝已稽中旨實遵成命未議改圖庶乎舜階以服有苗因疊而降崇國使臣旁午優詔指明而又越番務之勸授之戎帥扱負海之地置之中華推恩舍垢斯亦至矣而同捷蓋懷迷執閉境搜兵大詬隣封揖捍中使遐邇憤怒中外

驚嗟叛命既彰大義當絕事非獲已良用撫然其李同捷在身官爵並削奪朕以滄溟之地克魁竊據今若怒茲小醜遽至大刑慮金革一揮玉石碎吊人之義深置永安宣令四面節度使各蓄兵鋒共固疆宇絕其覘伺之路撫其離叛之人嚴戈予之備以其窮據山川之要以張我武如叛徒驚擾潛有侵軼當隨機禦遏以自保完勿使凌犯為虞隄防或弛其滄景將士如有能奪揚志義執戮渠魁者先是六品已下官者便授三品正員官其六品已下官者節級超獎仍賜庄宅各一區錢二萬貫文並列加寵任如能率所部兵馬以州郡未降者超兩資與官便授岳牧賜錢一萬貫以城鎮來降者超兩資與官仍賜錢五千貫以身降者亦與此轉仍賜帛其同捷如訖知我悔過東

身歸朝並與洗雪仍加寵獎若不能後悟自取誅矣非止一身其餘脅從一切不問於戲佳兵者聖祖之所試人德者前哲之所崇四余寡昧敢妄不訓然以齊庶方者號令立入紀者若臣斯制苟渝大倫安設是用絕其奔軼誠以申嚴守無戢於文告庶有廖於迷復特此來遠諒非初心布告內以成使知悉

二年三月己卯徐州節度使王智興奏於棣州破界五百餘人燒却棣州三面城門庚辰朔日如恩招討棣州計日降下賊心百姓多在城中時方春農必多殷迨歸降之後宜委智興據戶口人數節級賑賜使各安生業便以度之供軍斛斗數內充如失家業者仍以空閑屋居田地逐便安存

九月辛丑授棣州降將列志情為正議大夫檢校太子詹事兼侍御史寵在州為朝散大夫檢校少府監殿中侍御中滄州鹽山縣主簿知州事張叔連為福王支

八年二月庚寅詔邕府招討使量昌齡自邕州累平溪洞吳威所向首惡皆擒言念蒼生無非赤子况在荒徼尤當撫循其溪洞如未歸附者向後非因侵擾更不用進討仍加存撫各使懷安所獲黃洞百姓並分配側近州縣令自營生不得沒為奴婢將充賞賜

開成二年三月壬申詔唐州紈縣官捷桂管聚逆妖人或始於討窮或迷於綉尊嘯集未散伏巖山林者委本處長使遣人宣諭恩旨並放令歸鄉貫田里碑安家業勿更詆尋

武宗會昌三年八月昭義軍劉稹叛命令河朔二鎮討稹命徐

許滑孟魏鎮并八鉏之師四面進攻制曰成德軍節度使王元  
逵魏博軍節度使河弘敬或因連王室或任主藩惟慙陳一至  
之誠願揚九伐之命且漢任職受詔而初無辦嚴卜或朴忠未  
戰而我形於色况誠德軍嘗以梟騎橫陣首破步陷二氣方醉  
再迴魯湯之日鼓音未息三周不注之山魏武軍亦以大旆涉  
河竟殲師道建十二州之旗鼓以列降人削七十年之厲階盡  
歸皇化士傳餘勇軍有雄心必能烹鄧侯之拮蹠成葛亮之討  
伐咨爾二帥朕所注懷元逵守本官充北面招討澤潞使弘敬  
守本官充東面招討澤潞使澤潞州曷者列在藩先天咨聖符  
瑞昭晰績事煥于後亭鑿路巡遊金石列于代邸寔謂可封之  
俗久為仁壽之鄉艱難已來頗着誠節必非同惡咸許自新其  
昭義軍田將士及百姓等如保初心並赦而不問其大將等如  
能捨逆効順以州郡兵衆降者必加封賞如能擒逆賊劉稹者  
別受土地以報勲庸其諸道進軍不得焚燒廬舍發掘丘墓仍  
委劉污王茂元同力攻討朕以群臣執事固爭謀非獲已告布  
中外明体予懷

宣宗大中三年正月溼原節度使康李榮奏吐蕃宰相諭慙  
以秦元子樂三州歸闕七月三州七關軍人一日悉皆河隴遣黎  
數千人先於闕下帝御延喜門撫慰令其解辦賜之冠帶其  
絹十五萬疋

懿宗咸通四年七月詔徐州銀刀官健其中元石出之軍者累降  
勅旨不令逋逐其令年正月十八日草賊頭首已抵兵法其餘

徒黨各自奔逃所在更令捕逐

禧宗光啓元年閏三月詔諭秦宗權近鎮制四代天家天曆自  
臨君臨無外十七滂江玄澤積閏山靈三百平保定鴻基方延  
運祚共間數纏災運禍起兇狂緣聞藉命之稱已觸震雷之  
或生心之變或骨肉相圖近事可明靈誅不貸並人祗之共憤  
乃宗社之儲休亦頽中外重臣佐佑薄聰大恥既雪小康可期  
須申誥諭之勤用致綏懷之旨而宗權藩垣攸屬倚伏特深章  
表繼來臣誠可驗而兵戈未戢物論猶疑是生交構之端益威  
親鄰之聽况宗崇將相爵其侯王圖功則國禍可率快志而家  
寃已雪勸忠貞於部伍莫若率先鑿成敗於古今當思擇禍猶  
冒屬厭之誠適挫怙亂之機且患難雖繁封疆有制各圖優自

懺悔尤高潯之下澤州將攻偽師周岌之窺臨文本利危邦翻  
為致寇之資蓋昧啓之讐豐德土地為他人所有得貨財亦他  
人所資勢敵則相傾力均則相忌害莖深於歸怨利莫厚於國  
安况井邑皆空耕桑盡廢歎瘡夷而未復軼哀痛而難忘且洛  
邑通都非列蕃之所併河陽要地亦諸夏之必爭若不制自本  
朝豈可公然竊據節旄竄投須俟王人賦稅均輸合資國用至  
于封疆障蔽續可高詠指揮但將還舊尤籍運筭從已受攻圍  
河北爭於枝梧關中自防於漕轉迴軍或阻去國逾虧今  
先仁息兵各令守境等位幸非愛惜君臣足依初終尚或執迷  
方知誤計若法制不行於一處即征伐須徇一眾情亦亦有言  
理難為黨雖萬方之罪皆責朕躬而九廟之威更德入一縱以

黃巢頃盜宮闕曾會師於既戮元兇須臾以命所以受與念慮  
詔示殷勤猶期遠保須不欲便乘衆怒山以誓當明指日  
之心聖哲好生必用無干之德佇披深款勉蹈良圖

昭宗以文德元年三月即位十二月蔡州牙將王叢執秦宗  
勳折其心乞降詔中更宣諭便以叢權知留中使至別將  
郭璠殺申叢募宗權繫械送汴州

大順元年六月大原節度李克用大將權知和洛兵馬留其後  
建上表請以三州歸朝遣中使往勞之

乾寧二年八月邠州王行瑜將蓋寓李存信閻鐸判官王讓李  
襲吉等並降詔加賜賚

哀帝天祐三年十二月兩浙奏淮南楊行密偽署宣州都團練

觀察處置等使檢校司徒前守舒州刺史王茂章去今年正月  
日部領手下馬步遙投當道其人淮南第一郡將憤以本道  
克和來暴大朝盛明觀茲忠孝合具奏聞者勅曰王茂章能分  
逆順彼捨狂迷棄揚渥之亂邦不問姦險投錢鏐之巨鎮思託  
賢良既明向國之心頗見立身之道元戎所薦義節昭著河行  
激勸之規用示獎勵之羅且授金紫光祿大夫檢校大保兼御  
史大夫

御

御

御

御

御

御

